

KU NGELWA

 . . . kalulo ya kwanu kwa—kwa Yuma, ki litohonolo lelituna fa kuba ni memo ye ili ya kukuta hape. Ne lubile ni nako yende, nako ye felile hane luli kwanu. Mi cwale hane Ni to utwa kuli Ne ni lukela kukuta hape, ne si ni utwisize bunde luli, ka kuutwa bupaki mi manzwi amande ao azwa kwa sicaba, mi si kuk utwisa bunde nyana.

² Billy u ni bulelezi kuli muzwale yazwa kwa Las Vegas, ya na bata mukopano kwani kwa kalulo yani, ni ka mubona kapili kasamulaho wa sebelezo ifela kwanu. Luna ni nako, u bulezi, kuli lwakona ku punyeleza mane, ni mwa kweli ya Sope, lusika ba kale ni mukopano wa kwa Phoenix, mwabona, lutaha kwa Las Vegas. Mi kacwalo lu bile lutabela kuba kwani.

Ni lumela Muzwale Art Wilson na banga kватни, fa nako ya kale, kamba wa kuba kwani ni cwale. Mi kiha—kiha ni kupa kuli ni tahe, yena ni Kezeli Wilson. Ne ni si ka fumana kolo, kacwalo mwendi ye ikaba nako yene Ni swanela kutaha.

³ Mubone fela Billy Paul kamba Muzwale Roy Borders. Ni sepa uteni mo kokuñwi. Kuna ni ya bulezi kuli Muzwale Roy naliteni kwateni. Muzwale Pearry, Lee, kamba ufi wa bona kaufela, ba ka kona ku mi bulelela. Ki ku keta fela mazazi kuli lu tahe.

⁴ Cwale, Ni boni bakutazi babañata mo, fa nako nyana yefitile, bao Ni tabezi hahulu ku kopana ni mizwale baka. Kambe Ni na ni nako, ni ye kwa ndu ni mina, kakuli Ni ziba kuli muna ni ba apehio babande hahulu kwani mwa na ha. Ki hande.

⁵ Mi cwale, Muzwale Pearry ubile ni masihu amabeli, busihu bo, ku yena. Una ni zepeli ze mu lwanisa cwale. Alimuñwi wa bona, inza pumaka maikulofoni yani, kwande kwani. Kakuli, hauna—hauna ni mulatu, Muzwale Pearry. Ha ni sepi kuli no na ni mulatu. Kono mina . . . Kuna ni yana bata kubulela. Yani neli yende.

⁶ Mi kacwalo he, hape, naile kwani mi a bulela. Ki hali, “Bulela!” Bulela Muzwale Collins kamba babañwi ba bona. Ali, “Mulalelo neli o monde. Kono,” ali, “Na ku bulelela,” ali, “muuna yani ulukela kuba mu Spaniard kamba nto yeñwi, kamba mu Mexican. Yani neli mbilimbili yebaba hahulu ku ze Ni kile na ca fateni.” Kuzwelapili ona cwalo, mi na sweli kubulela ku muapehi.

Ki hali, “Ni mu apehi.”

⁷ Yani ki Texas, ku mina. Lu ka utwa za hae hande, mo mwa Arizona, kasamulaho nyana, (nji cwani?), haiba uka ina bukaufi ni luna.

⁸ Luli ki hande kuba mo! Mi Ni sepa zeo ha li utwahali sina lisheha, kono ki manzwi a sehisa. Kakuli, ni yena Mulena Kasibili una ni lisheha, mwa ziba. Ki hali, “‘Heroda,’ zamaya ubulele luwawa lwani,” mwabona, “kacenu Ni leleka—ni leleka mioya ye maswe; kamuso Ni ka ba ya petehile.” Kacwalo, Nana ni lisheha ka mubelelo. Kihande halina ku lu utwisa bumaswe, Ha ni sepi cwalo, fa ni fa.

⁹ Mi cwale seli busihu nyana. Mi, hañata, Ni—Ni kutazanga ka lihola zene. Kacwalo se, ka kuziba likute la muzwale ni kezelim, sikuwata se, lu ka pumahanya fela, busihu boo. Mi fela . . . Na bulelela Terry. Na li . . .

Ki hali, “Ki sikamañi . . . Beya tepu ya lihola zepeli?”

¹⁰ Se nili, “Batili, Terry. Se ki—ki sico sa sicaba.” Se nili, “Ka mizuzu fela ye mashumi amalalu kamba mashumi amane, kuambola kwa sicaba fa nto yeñwi.” Kuli, Ni ka lika, niteñi, ka nako kaufela, ka kuziba cwalo.

¹¹ Hane Ni li mushimani yomunyinyani, batu ne ba tahanga ku to teeleeza kakuli Ne nili mukutazi wa mushimani, ne nili fela mutangana, mucaha fela. Mi neba bulelanga kuli, “Kihande, Billy Branham, mwa ziba, ki mwanana fela, ha si ka kena neba sikolo, mi nasina niheba tuto.” Mi ne ba tahanga ku to teeleeza manzwi aka a lyangani, Sikuwa saka sa Kentucky, ni—ni kuli ba . . . mubulele waka wa “hits,” ni “hain’ts,” ni “totes,” “carry.”

Sina ku iliñwi ya mikopano kwanu ha ki kale hahulu, neba ize, “Kaufela luna luka yema ni kuopela pina ya naха.”

¹² Na yema ni kuopela kuli, “Kwa ndu yaka ya kale ya Kentucky.” Yani neli yona naха fela yene Ni ziba, kacwalo neli yona pina ya naха, kuya ka mo ne Ni zibela.

¹³ Kacwalo he, hasamulaho umano hula, niteni, kikabakalañi, luka . . . kena, u lukela kuba ni zeñata kufita foo. Mwabona? Lu nga . . . Paulusi naize, kuli, “Ha ne Ni li mwanana, Ne ni bulela sina mwana mi ne ni hupula sina mwana.” U eza sina mwana. Kono hauya uhula, kipeto wa kala, kuzwa kwa mitambo ya hao ya makalelo, ni kusitatala ni kuwa, ni kunanuha ni kulika hape. Mi wena, kasamulaho nyana, wa nanuha kuli ukone kuzamaya handende. Mi seo kona se lu swanela kueza, ka kuba masole ba sifapano. Cwale seli nako ya ku zamaya nzila ye namile, yona nzila ye kambama kuliba kwa Kanya yani.

¹⁴ Ni lumela kuli lupila mwa nako ya kufela kwa litaba za kale za lifasi. Ni lumela kaniti kuli Kutaha kwa Mulena ku sutelezi, mwendi, kufita mo lu nahanelia. Kacwalo he, ka mizuzu fela ye mashumi amalalu a nako ya mina, kamba nto yeñwi, Ni tabela ku bizeza kutwisiso ya mina kwa Liñolo le Ni tabela kuitusisa fa tuto yeñwi, ni—ni kutamahanya ku zeñwi hape fa. Ni . . .

Inge ni inzi kwa ndu, zazi leliñwi, Ne ni sweli kunahana taba ye. Mi Na hupula kuli, “Kihande, Ha ni zibi, kubulela mwa

Mañolo a kaufela. Ni ka nga fela siemba sa Lona, ni ka lisebelezo zekuswani ze sina mo lu kabela ni ya busihu bwa kacenu.” Ni bata kubulela nto iliñwi, hamusweli kuapula mwa Lisamu. Ki—ki yapili . . . Ki Lisamu 27, Ni bata litimana zapili zeketalizoho, kuli ni bale.

¹⁵ Ni tabela kubulela cwana, ka za baana ba pisinisi ya Evangelisti Yetezi ya Baana ba Pisinisi.

Muzwale waka Pearry na buleta ka za libuka, ni zeñwi cwalo, ni libuka zenza ze ba nani. Ki babakai baba hupula hane luna ni tepu, le ne ni kutilize kwanu kwa Phoenix, ku ulimuñwi wa mikopano, yakuli, *Muñaka, Ki Nako Mañi?* Cwale, ani neli makalelo a buka yani, mwa bona, fani ze . . . ze ha li ezahala.

¹⁶ Kuna ni ponahazo yetuna hahulu ya Linzwi la Mulimu le liñozwi, la hola ye, kakuli sesiñwi si si ke sa lu atumela cwale. Luna fela . . . Kinto ya luli. Kuli lika ze mu . . . Ikaba ze komokisa, ku mina, ku mi lumeleza fela kuziba ze sweli kuezahala luli. Buñata bwa mina, baenyi, mwendi, mu utwile baana ba ha ba yema ni kueza—kueza ka litaba za manzwi ao, ka za, “Liñusa la hola ye,” ni zeñwi cwalo. Se ba sweli kufita ku sona, ki sepiso ya Mulimu ya hola ye, kuli Na sejisize sa Na ka eza. Mi lwa Mu bona ka Mañolo a iponahaza ona cwalo fela mwa Na bulezzi kuli Uka ezeza, ka mukwa o swana. Ze bulezzi kale, za talelala frela handende, ka nako kaufela, kakuli ki Mulimu ya li bulezzi.

¹⁷ Haiba mutu, Hanina taba kamba ki mañi, yaka lika kunuha litaba ka mukwa o cwalo, kuna ni kolo iliñwi mwahala ma milioni a lishumi. Haiba mutu na ka ku bulelala *sika* se si ka ezahala, sikona kuba—sikona kuezahala ka *nako yeñwi*; nako iliñwi mwa ma milioni a lishumi. Mi cwale ni *sibaka* ikona mo si ka ezahalela, ikona kuba kolo iliñwi mwa linako ze milioni ye mwanda.

Mi cwale ni *nako* hane li ka ezahala, kuzwelapili ni kuzwelapili cwalo, ni *mo* li ka ezahalela, ni *sesi* ka ezahala, ni zeñwi cwalo, li fitelezi fela muhupulo wa kunuha. Ha lu li bona ka kupetahala, nako ni nako, konakuli ki Mulimu.

Mi kipeto lu kutela hape mwa Mañolo. Ikona kubonahala bunca ku luna. Kono lu kutela hape mwa Mañolo, kusina neba kuziba fo lutalimela, mi Moya o Kenile utisa ni kubeya fela Linzwi kakutala hamoho, kueza kuli siswaniso seo si lubonise nako ye lu pila kuyona. Lwa cinca linako mo lupila.

¹⁸ Lu—lu fa lilulu. Ku bunolo mutu ha sikuluha fa lilulu, la muyahi wa sitina, ha fita fa lilulu. Ikalanga, kuli mutu ni mutu utoma masitina hande mwa mundandwe, inge kopano yeñwi mo ikalelanga, ni kukala kupikuluhafafasi, ona cwalo. Kono, ha mu ka fita fa ma kauhanelo, fo mulukela ku sikuluhela neku leliñwi!

Cwale, Mulimu ha yahi limota. U sweli kuyaha ndu, mwabona, mi kuna ni ma kauhanelo amañata ni malulu A bulezzi kuli akaba teni mwa Bibele mo. Mi malulu ao, mutu kaufela

wakona kulika kusikuluha, kono ilukela ku ya ka mo ku ñolezwi. Haiba ha ku cwalo, lina ni ku tubwa ku wi sezwafafasi hape.

¹⁹ Kacwalo lu—lu lumba Mulimu ka bunde bwa Hae ni ka kopano ya mina sicaba, ni likwalo ze kwaluhile za lufile Mulena, ni mwahala baana ba pisinisi ba. Ni bile ni yemela zeo kamita Ne—Ne ni sa lumeli mwa . . . Ni lumela mwa sicaba sa likopano. Kono ha Ni na nako yeñata ya ku lumba likopano, kakuli mañi ni mañi uyaha lukwakwa lwa hae anosi.

²⁰ Mi—mi inge fela, Na lumela, neli ngambolo nyana ya Muzwale David, ka za ku uta lipato, mi ali se kutaha nuka. Mi pato ifi ni ifi, mwa ziba, ne i ba bata kutwano ku yeñwi ni yeñwi, mi ne li sa koni ku ba hamoho kakuli ne li kwalezwi mwahali kaufela ka lukwakwa. Kono mezi ha yo fita fahalimu luli, a cimbaukiseza fela lipato fande a.

Kacwalo Ni—Ni sepa kuli yeo kona nzila mwa ku ezeza ka yona. Ki mezi fela asweli kutaha aekezeha, mwabona, kipeto lwakona kuzwa mwa lipelelo ni—ni kuba ni kopano ku mañi ni mañi, mwa ziba, ni kuba ni lilato luli la Kreste mwa lipilu za luna.

²¹ Mi Baana ba Pisinisi Yetezi ya Evangelii ba ba bile—ba sibuba kuna. Kakuli, linako zeñata . . . Ni na ni mizwale, mizwale yeminde mwahali, Na sepa, kopano kaufela ye Ni kile na katana: Ba Presbyterian, ba Lutheran, ba Baptist, Mapentekota, mifuta yeshutana kaufela ya ba Pentekota, Church of God, ni ba Nazarene, ba Pilgrim Holiness. Mizwale babande, kai ni kai. Kono, linako zeñata, ha ba koni kuba ni na mwa silalanda sa bona, kakuli, mwabona, isiñi kuli ha ba lumeli cwalo, kono, mwabona, ne li ka ba zwisa mwa kopano ya bona. Mi ha mu eza cwalo, kakuli, zeo—zeo kona ze ezahalanga.

²² Kwanu ha ki kale hahulu, neku na ni muzwale wa Methodist yana tile kuna, Hanina kubiza libizo la hae. Muuna yomunde, nasweli kuñola litaba za foliso ya Bumulimu, mi ataha kuna kuto ba ni—ni ngambolo. Lwa ina fasasi ni kuambola fa nako nyana. Ki hali, “Nto inosi fela yelu ku lwaniseza, u ipumana mwahala Mapentekota bani nako kaufela.”

Se nili, “Konakuli, ba keleke ya Methodist ha ba li tuse. Ni ka taha.”

Yani neli shutano. Mwabona? Na—na ize, “Kihande, eeni sha, Ha—Ha ni wa keleke ya Methodist. Ni wa siemba fela ni bona.”

²³ Se nili, “Kona cwalo. Mwabona? Ki bona, ba Pentekota, kona baba kwalula minyako ya bona. Mwabona? Bao kona bo Ni kona kufita ku bona. Buñata bwa ba ba ka kwalula, kupalañi, lu itukisize ku ba ni bona.”

Sina mwa Sinulo, kauhanyo ya 3, iize, “Ni yemi fa munyako na ngongota. Haiba mutu a kwalula sikwalo, Ni ka kena ku to

ca.” Mi yani neli Jesu. Kaufela luna lu ziba kuli yani neli Kreste, mi ki Yena Linzwi. Yeo ki niti. Yena ki Linzwi.

²⁴ Mi kacwalo Baana ba Pisinisi Yetezi ya Evangelii ibile sikwata sa baeteleli ko lukona kutaha hamoho. Hakuna likeleke ze sweli ku tusa. Kaufela bona, hamoho, ba—ba kwateni ki baana ba likeleke, mi lutaha hamoho ni kuba ni kopano, kusila lifasi, kai ni kai.

²⁵ Mi Ni tusize hahulu, babañata, ñata luli mwa lifasi kaufela, za Baana ba Pisinisi Yetezi ya Evangelii. Ni itumezi ka kolo yani yene filwe kuna. Mwahali mwani, baana ba pisinisi ba ka tusa. Mi, likeleke kaufela, ze—ze bata kutaha kaufela litahe, nihakuli cwalo.

Kono, he, haiba... Hani lati kulika kuhoha mutu mwa keleke ya hae. Muine fela mwa keleke ya mina ni kuhasanya Liseli. Mwabona? Mube Bakreste ba luli. Mulisana wa mina uka itumela ku mina. Mutu kaufela ya kateleha, ya ishuwile, ya sepahala, lumela ku Mulimu uka itumela ka mutu ya cwalo. Eeni.

²⁶ Cwale, Ni itumela ku muzwale yo fa, ni musala hae, ni sikwata se, ka kolo ye. Mi cwale sikwata se si hule. Mi limbuyoti za Mulimu liine ku sona, ni kuba libelekiso mwa mazoho a Mulimu, kuli si pilise mianda anda ya batu Kutaha kwa Mulena ku si ka ezahala kale; ni mina likwata zeñwi zesiyezi kamba bayemeli mo ba bazwa kwa likwata cwalo.

²⁷ Mwa Buka ya Lisamu, cwale, Ni bata kubulela fa—fa tuto yenca luli, busihu boo, fa nako nyana fela. Nina ni Mañolo nyana añaowzi fa. Mi—mi Ni hupuzi kuli mwendi, busihu boo, Ni ka ambola fa taba ye shutana. Kono, mwabona nako ha i fela, kiñi, Ne ni sa lati kuina nako yetelele cwalo, kacwalo se Ni kitimela fela kwanu ni kuba ni Mañolo nyana. Mi Ni bata kubulela fa tuto ye li: *Ku Ngelwa. Mwabona?*

²⁸ Cwale, lu lumela kuli ku kaba Kungelwa. Bakreste kaufela balumela cwalo, bao ki babali ba Bibele, balumela kuli kukaba Kungelwa.

²⁹ Mi cwale ka kubala za makalelo nyana, lubala Lisamu 25. Ni talusa... Mu ni swalele. Lisamu 27, 1 kuisa fa 5.

MULENA ki liseli la ka ni kupiliswa kwa ka; Ni ka saba mañi? MULENA ki yena mata a bupilo bwaka; Ni ka sabiswa ki mañi?

Ba bamaswe, ni baba ni toile, ha ne ba ni tezi ku to ca nama yaka, isali bona ba sitatalile mi ba wile.

Mpi ni ha i ka to tibelela ku ni lwanisa, pilu yaka haina kusaba: ndwa ni ha i ka ni pumela, Ni fo ni ka ba ni sepo.

Nto iliñwi ye Ni kupile ku MULENA, ye Ni ka bata; kikuli Ni ine mwa ndu ya MULENA mazazi kaufela a

bupilo bwaka, kuli ni buhe bunde bwa MULENA, mi ni shalimisise sibaka sa hae se si kenile.

Kakuli mwa nako ya butata u ka ni pata mwa tende: mi ani pate mwa mukunda wa tabernakele ya hae; a ni kambamiseze fa licwe.

Mulena a ekeze limbuyoti za Hae kwa palo yeo ya Linzwi la Hae.

³⁰ Cwale, kacenu, ka kubulela fa tuto ye, mi cwale babañwi ba mina mwakona ku shutana, ka—ka linzila ze Ni nga. Kono ki babakai mwahali mo baba lumela kuli Bibele iluta kuli kukaba Kungelwa kwa Keleke? [Kopano ili, “Amen.”—Mu.] Eeni, sha. Yeo ki niti, luli, ki ku pamulwa kwa Keleke. Kamba u wa Methodist, Baptist, Presbyterian, kamba yo kaufela uli yena, Pentekota, kukaba kungelwa.

³¹ Mi Ni nahana kuli, ka kubulela, Ha—Ha ni liki fela kutaha kwanu ku to bulela nto yeñwi ye Ni nahana kuli i ka tabisa batu. Nali kuba ni be ni mulatu wa zeo. Ni bata kutaha fa ni kubulela sika se Ni ikutwa ku eteletwa kubulela, se Ni nahana kuli si ka ba tuso ku mina, sika se si ka ekeza kutwisiso ya hao ku Mulimu, haiba u Mukreste; mi haiba ha u Mukreste, ku ku swabisa hahulu, kuli mane u be Mukreste. Mi wo kona mulelo o Ni likile kamita kubeya muhupulo waka kuona, sina Mulena ha ka ni zamaisa.

³² Cwale, lwa lemuswa, sina mwa Tuto ya Se mwa mazazi a maungulo lu ka sheununwa. Haiba mukona, ha lu baleñi Yeo, fa muzuzu fela. I mwa Pitrosi Wabubeli, kauhanyo ya 3. Ha lu baleñi fa nako nyana fela ku se. Kauhanyo ya 3, ni litimana za 3 ni 4. Ha lu boneñi haiba se ha ki sona.

Pili muzibe se kikuli, mwa mazazi a maungulelo ku kataha basheununi babatezi busomi, ba ba zamaya ka litakazo za bona luli,

Ni kubulela kuli, Ikai sepiso ya kutaha kwa hae?... isamba ba shwa bo kuku aluna, linto kamukana lise li itulezi mo ne liinezi kwa makalelo ha li eziwa.

Batu ba balibala ka mabomu, kuli lihalimu ne li ezizwe ne li ezizwe kale, ni kuli lifasi ne li zwisizwe mwa mezi mi mwa me-...la bulukwa mua mezi:

Ni kuli lifasi lani la...shwa, kabakala munda, ku li kwahela:

³³ Cwale lubona kuli, libaka leo tuto ye ibezi ya butokwa luli, ki kuli mupolofita fa ubulezi kuli mwa mazazi a maungulo a basomi ba baxka taha banze ba bulela litaba zee. Mwabona? Ku bulezwi kale, libaka leo batu ba ezeza kacenu mo ba sweli ku ezeza. Kiñi, kaniti mu kulubela cwalo, kakuli Bibele ibulezi ona cwalo. “Mwa mazazi a maungulo kukaba bainuneki, baitumbaeti, baba lata minyaka hahulu kufita kulata Mulimu;

ikaba lishembi, baba seba batu ka buhata, babasina buiswalo, ba ba toya batu babande; kuba ni mubonahalelo wa bumulimu, mi ba latuzi mata abona: ku baba cwalo muzwe kwateren.” Kana lu ka fumana malikanyiso a Niti? Kiniti.

³⁴ Fani Mushe hanaile kwa Egepita, ku yo lamulela bana ba Isilaele, ni kota fela mwa lizoho la hae yene muyemela, ni Mulimu wa Lihalimu mwa mulaho wa hae, a eza makazo. Kwa taha balikanyisi mwa mulaho wa hae, ni kueza lika zeswana za na eza. Mwabona? Cwale, ba taha la bubeli, kasamulaho amano eza cwalo pili. Mi se ba taha cwalo, kakuli ne ba likanyisa za ba sweli kueza, kulikanyisa za makalelo. Lu fumana ona cwalo.

Mi cwale mu li, “Kihande, mwani neli mwa mazazi a Mushe.”

Kono Mañolo a swana abulela kuli ba ka taha hape mwa mazazi a maungulo. “Sina Jambresi ni Janise hane ba lwanissa Mushe, ki mo ba ka ezeza ni bona baana ba ngana ye keluhile kwa Niti.” Mwabona? Malikanyiso, lika za mifuta kaufela za batu baba filikani. Mi cwale haiba . . .

³⁵ Kungelwa kwa ku ka ezahala, ni kaufela sa na bulezi Mulimu si na ni kuba mwa sikuka sa Linzwi la Hae, kuna ni se si tahanga kuli si filikanye Zeo haiba ku konahala. Ki—ki—ki mulelo wa Satani kueza cwalo.

³⁶ Sina muzwale fa, yazwa kwa mukopano kwani mwa Las Vegas, ya na bulezi kuli, “Satani naize lifasi neli puso ya hae, mi—mi yani neli nkambe ya hae kwani.”

Ni ziba kuli Satani ki yena mulimu wa lifasi le. Naha kaufela mwataswa lihalimu i zamaiswa ki yena. Luli. Lifasi le ki la Satani, kono Jesu uka li hapa. Na li file ku Yena zazi leliñwi. Mi A li hana, kono, Ki hali . . . kakuli Na ziba kuli Ukaba Muca sanda ku lona mwa linako ze sa taha.

³⁷ “Basomi.” Lu ngeni fela ka mizuzu yelikani fa linzwi li liliñwi leo, lu si ka ya kale kwapili. Basomi!

Ne ni sweli kubala mutende, mwendi lisunda zepeli kwa mulaho, mwa Tucson, kuli koo muuna yomuñwi wa mu English yazwa kwa England na bulezi taba yeñwi. Ki mwa litaba za toho mwa mutende, kuli ku kokotelwa kwa Mulena luna Jesu Kreste neli fela buhata, mwahala Pilato ni Jesu, kuli Na tile ku to eza . . . ku to ikeza fela Iliyena kuba nto yeñwi. Mi hakuna mukwa o lukona ku ba kananisa ka zona, kakuli lika kaufela za Mulimu lina ni ku amuhelwa ka tumelo. Lu swanelia kulumela cwalo. Cwale, na zwezipili kubulela mo ne li ka ezezwa zani.

³⁸ Kwanu ha ki kale hahulu, mwa naha tuna yani, London, mwa England, nitaluse, koo John Wesley ni Charles, ni bakutazi babañata ba mazazi a makalelo bani, Spurgeon ni babañwi, ne ba kutilize Evangeli mwa misika ya mashasha ni libaka zeñwi

kwani. Ne ba hanile liñusa lani la lizazi la bona, mi mutualime se bali sona mwa lizazi le.

Kwani kona kokuna ni bo Muzwale Williams ni babañwi busihu boo. Ki iliñwi ya linaha ze mwatasi hahulu mwa lifasi. Ni bile kwa lifasi kaufela, kono ha Ni zibi sika kaufela se si mwa bunyazi hahulu sina England. Ki yena... Billy Graham na bulezi nto yeswana. Kiñi, na isize musala hae kwa mishitu, kamo ona—ona—ona likezo za mwahala baana ni basali neba sweli ku ezeza, patalaza, mwa libaka za kubapalela. Hane Ni li kwani, Ne ni si ka bona kale sika se si kona ku lobaka pilu ya mutu kufita ze ne ezahala mwa England; yene na ni kolo, mi, nako yeñwi, na etelezi lifasi mwa kuongaonga. Ku bonisa fela mo likona ku wela.

³⁹ Kono, mwa bona, sani si eza sikamañi, liñusa lene li bulezwi ka nako yani, baana ba ma English balika kuswala liñusa leliswana lani la kacenu. Zeo halina kubeleka kacenu. Halina kubeleka. Kana ku konahala cwani...

⁴⁰ Kucwani kambe Mushe naka taha, atahé, ni kutisa liñusa la Nuwe, “Lu ka yaha areka ni kucimbauka mwa Nile”? Ne li si ke za beleka zeo. Mi ni lona Liñusa la Jesu halikoni kubeleka ka Mushe. Mi mane nihaiba liñusa la Wesley halina kubeleka ku Luther; kamba Liñusa la Luther ku Wes...liñusa, ka kushutana.

Mi kacenu, luna, kucinciwa kwa luna kwa mafelelezo neli Pentekota. Mi kacenu lu sweli kuzwa ku zani. Mi liñusa la Pentekota halina ku kopana ni Le, kakuli ki lizazi lisili. Ki Linzwi la Mulimu kaufela, kono ki kuyaha. Sina mautu, mazoho, kutaha kwa halimu, ki kubupa Munyaliwa kwa Kungelwa. Mwabona? Musike—musike mwa lyanganisa sicaba sani kwa mulaho kwani; ne ba pila kwa liñusa la bona. Kaufela bona ba ka taha, bene bali ku Munyaliwa.

Kuswana fela sina bupilo bo bu zamaya mwa lutaka lwa buloto. I siya buloto, sishimbelo, kono buloto bupangeha sina bubeke bwa buloto bo ne buwezi mwa mubu.

⁴¹ Kwanu ha ki kale hahulu, Ne ni sweli kubala buka yeñwi ya na ñozi mu German ymuñwi, mwa twaniso. Ki hali, “Mwahala bona ba—ba bafitelezi ba tumelo mwa lifasi, William Branham u ba fitela kwahule kaufela bona.” Ki hali, “Kiñi, ha ki sesiñwi kono ki... Ki ya—ki wa mabibo. U eza lika ze.” Mwabona, muuna yani, a sa zibi cwalo.

⁴² Mi, he, muuna yani neli muhanyezi. Mane na sa lumeli ku Mulimu. Ki hali, “Mulimu ya na ka ina mwa masika a lififi, ni kuswala mazoho a Hae fa mba ya Hae, ni kuseha sirkwata sa Bakreste sani; kuli bahame, ni balutiwa ba Hae Tota, ne ba lukela kuba cwalo; bahame ni limbututu zenyinyani ni zeñwi kaufela, mi atuhelele litau li ba ce; mi atokwe neba kushenyisa lizoho.” Mwabona fo kutomile ngana ya butu, foo tuto ni lika zeñwi, kuli ha li koni kulemuha pono mane?

⁴³ Peu ya buloto yani ne iwezi mwa mubu. Inge fela Jesu mwa na wezi, kuli azuhe hape, kona mo ne iezelize ni keleke ya pentekota. Neina ni kukena mwa mubu, ona masika a lififi ani. Buloto kaufela bo bu... Bubeke kaufela bo bukena mwa mubu, buna ni ku ineleta mwa nako ya lififi yani, kuli butahise ka buñata.

Kono ne li kalile ku shoshela ku Martin Luther. Kutaha cwalo ni ku Wesley. Kutaha cwalo ni mwa Pentekota. Cwale mwahali, ku ya kwande mwa bubeke. Mi cwale milao ya likopano yene ba siile kwa mulaho, ki mataka fela, ku felile. Lina ni ku cisiwa, ona mulao wa likopano. Kono bubeke bwa niti bwa buloto bo bu zwile ku yeñwi ni yeñwi ya ku cinciwa kwani bu ka ngelwa ku Munyaliwa. Kaufela zona li ka bupa Munyaliwa.

⁴⁴ Cwale lu fumana kuli, mwa England mwani, ne ba likanyisize sifapahano, ha ki kale hahulu, sikuwata sa batu bani, butelele bwani... banana ni milili yemitelele yani ni zeñwi, inge ba huwaka, babiza Jesu “tate-o” ni lika zani kaufela. Masila fa mezi a cwalo!

⁴⁵ Cwale mu li, “Mwani ki mwa London, England.”

Mutalime sene sili mwa pampili sunda yefelile, mo mwa Americas. Dokota yomuñwi yomutuna wa za bulapeli, yazwa kwa sikolo sesinde, abulela kuli—kuli lifu la sifapano ne li la buhata. Abulela kuli, “Jesu na bata fela ku ikeza Iliyena cwalo; kuli Na kozwi mezi a hamuzwi kwa simela se sikola.”

Mi lu li fumana mwa Genese, ko li bulezwi. Ki sicwani se si bonahala inge matokwani kamba nto yeñwi. Si fumaneha mwa linako za Kale kwani. Mi haiba u si nwa, sika ku lobaza buloko. Mwendi... Mi uswana sina ya shwile, lika kaufela, ka mazazi amabeli kamba amalalu ka nako.

⁴⁶ Ki hali, “Ha ba Mu fa vinega kuli anwe, kwa kona kuba kuli neli malaka a kola. Mi ba si no eza cwalo, ba Mu fa ona, mi Aya ngumooka kulobala mane inge ya shwile. Ne ba Mu beya mwa libita, mi ne Mu lobaza mwani. Kasamulaho wa mazazi amabeli kamba amalalu, luli, ku kuta mwa mulaho, mi A zuha hape, a iketile.” Ali, “Aya kwa India ni ku yo shwela kusili, lifu la butu fela, inza lika kuipuma mwa bulapeli.”

Sibaka sapili, muhanyezi yani, ki butata mañi bobuli ni batu? Mwabona, ki lona lizazi le lupila ku lona le, basomi, mwabona, lizazi la kutaleleza sipolofita.

⁴⁷ Mulimu na tomahanyize Linzwi la Hae mwa lusika lufi ni lufi, mi lufi ni lufi lwa lusika lwani luna ni ku bonahaza Sani. Mi hape Na lukiselize kale batu mwa lusika lwani, ili kutaleleza Linzwi lani. Nako kaufela ha Na tomahanya Linzwi la Hae, Na tomahanya mutu ka zona. Fani ha Na tomile nako ya Mushe, Na tomahanyize Mushe ku yona. Fani ha Na tomile nako ya Mwana Mulimu kuli apepwe, Na Mu lukiselize yona. Lusika kaufela, U

tomahanyize mutu wa Hae, ya lukisizwe kale, sina Bibele ha i bulezi. Hakuna . . .

⁴⁸ Haiba Mulimu ha palelwi, Yamata kaufela, ya ikonela lika kamukana, ya fumaneha kai ni kai, ya ziba lika kaufela, kiñi, Na ziba lika kaufela kuzwa kwa simuluhu. Kacwalo, Na zibile. Hakuna se si zwile mwa nzila. Ki luna fela baba nahana kuli kona mo li inezi. Ki lika kaufela ze beleka. Mutualime kwa mulaho mwa Linzwi la Hae mi mubone Sa sweli kueza, konakuli lukaba ni kutwisiso.

⁴⁹ Cwale, munahane fela. Sibaka sapili, kambe mukutazi yani na ka nahana kuli, ha ba beya vinega yani ni lungatanga mwa mulomo wa Hae, A li kwa. Na si ka linwa, ka nako yapili. Mwabona? Ki basomi fela ba taha! Nto yeñwi, kana Jesu wa Nazareta yo nakona cwani, Bupilo bwa Hae kana ne bu swanela cwani mwa sipołofita kaufela sa Testamente ya Kale? Ne li kaba cwani? Ne li si ke za ba cwalo kusina kuba ka kuketwa ki Mulimu. Bupilo bwa hae ne bu zamaelela hande ni sipołofita kaufela sa Testamente ya Kale. Nto yeñwi, haiba balutiwa bani ne ba ka Mu swabisa fela sina cwalo, kiñi ufi ni ufi wabona za na shwezi mwa bu bulaiwa bwani? Mi neba muapositola Pitrosi ali, “Mu futule toho yaka italimelefafasi. Ha ni swaneli kushwa sina Yena.” Mo ne ba ngezi Andreasi ni ku mu futula fa sifapano. Bona, mañi ni mañi, ba kwahela bupaki bwa bona mwa mali a bona luli. Ne ba Mu lumela ni ku Mu lata, mi ba fa bupilo bwa bona ku Yena. Haiba Nali lihata, ne ba ka eza cwani zeo? Mwabona? Muinelo wa za moyo, sicaba ha si li utwisisi.

⁵⁰ Nekuna ni muuna yomutuna kwanu, ha ki kale hahulu, muluti yomuñwi yomutuna yana ñozi kuli, “Mushe, hana sweli kufita mwa Liwate Lelifubelu,” ali, “mane ne si mezi. Mezi na si ka yema.” Ali, “Ze ne liteni kwani, kwa neku leliñwi la Liwate Lelishwile, nekuna ni sishañata sa mataka. Mi afita mwa mataka a nuka, bucwani bwa mwa mezi. Kusina mezi mwateni. Neli fela mataka a nuka, liwate la—la mataka mo ne zamaile.” Mi baituti babañata ba za bulapeli balumela cwalo, bona, mi ba li amuhela.

⁵¹ Kwanu ha ki kale hahulu, muituti wa linaleli wapili yo ha na kambami, ayo kuta, mi na si ka bona sika sa Mulimu. Sani mane ne sa lyangaisa nibona bakutazi. Ne ba hupula kuli Mulimu upila kwahalimu kwani kokuñwi, limaili ze mwanda ni mashumi aketalizoho mwahalimu.

⁵² Kiñi, mawi, ka mo tuto ni butali bwa lifasi le li fetuzi keleke kukena mwa bucwani bwa sinunkanunka! Ki. . . Ki tuto ni mulao wa tuto, sayansi ni za zwelopili, zeo ki za diabulosi. Ki zwelopili ya diabulosi. Bibele ibulezi ona cwalo.

Mi Zwelopili ya luna ye taha haiba kuba ni za kueza ni zwelopili ye, ni hanyinyani. Ha ki sesiñwi sa zona, ni hanyinyani. Ku kaba Zwelopili ye shutana, kwa zwelopili ye ni lifasi la sayansi le lu nani. Sayansi yeñata, mo na mo lubela hahulu ni za

sayansi, kona mo lukanela mwa lika za lifu, malaba a lu bulaya, ni lika kaufela. Mwa Zwelopili yanca yani, hakuna kuba lifu, hakuna makulano, maswabi, kamba hakuna butuku. Mwabona? Hakuna ku yo ba ni ze cwalo Mwani. Kacwalo zwelopili ye ika sinyiwa, kakuli ki ya diabolosi.

⁵³ Lu fumana cwana, kuli mwa Genese 4, kuli sicaba sa Kaine kona ne si kalile zwelopili, kuyaha litolopo ni mileneñi, ni zeñwi cwalo, ni lilimba za lipina, mi libe mwa sayansi. Mi sicaba si ba kwahule hahulu ni Mulimu, ibo neli ba bulapeli. Kono cwale sicaba sa Seta ha si taha, ba kala kutaha cwalo, ba bize fa Libizo la Mulena.

Ah, mubulele ka za butali!

⁵⁴ Haniyo mo ku li ni filikanye maikuto a mutu, ku bulela sesiñwi ka keleke. Mi haiba muteni mo, mi mu ba siemba sa keleke ye, Ha ni buleli cwalo kuli ni mi utwise maikuto a mina bumaswe; kakuli ki batu babande fela mwahali mo, sina mo kuinezi mwa likeleke zeñwi. Kono Ne ni sweli kubala mwa Shreveport sunda yefelile, koo keleke ya Katolika ne i bulez taba yeñwi.

Mi lubona ko litaha hamoho cwale kwa katengo kakatuna ka swalisano, ni zeñwi cwalo, ona cwalo fela kutaleleza se ibulezi Bibebe kuli baka eza. Ona cwalo fela.

⁵⁵ Cwale lu fumana kuli ne ba bulezi kuli, "Kiñi, Bibebe . . ." Babañwi ba Baipanguli ba bata kuswala kwa Bibebe yani. "Kiñi," bali, "Bibebe ne si nto isili kwanda kuba buka fela kihona, litaba za kale za keleke, mi ne ba sina zona mwa libuka kufitela lilimo ze mianda yemibeli ni mashumi aketalizoho kwa mulaho. Kamita inze ibile keleke." Ali, "Ne li keleke, isiñi Bibebe, mi Bibebe ki litaba fela za kale ze i ezize keleke." Ha ki buhata kwa butali ni boo! Kiñi, lubile ni Bibebe ka myaha ye sili sauzande. Testamente ya Kale ne i ñozwi mwa Mañolo, ka myaha ye mianda ni mianda kusikaba kale kutaha kwa Kreste. Ki taba fela ye butali ya diabolosi!

⁵⁶ Mi lu fumana cwana kuli mwa lizazi le, ha ne kuna ni kunyaziseza kokutuna ni ku keshebisa Bibebe, ni kulika ku I kasheza kwande, Mulimu una ni ku atula keleke ka nto yeñwi. Hakoni fela kuba . . .

Habakoni kuya mwa mukwakwa wo ni ku ni swala, ni kubulela kuli Ni matisa mota ka limaili ze mashumi amalalu fa hola mwa sibaka sa buima bo bueza limaili ze mashumi amabeli, konji haiba kuna ni se si ni bulelela kuli Ni lumelezwa fela kumata ka limaili ze mashumi amabeli. Sina ni kuba teñi.

Mi Mulimu uka atula keleke, uka atula sicaba, zazi leliñwi. Lwa ziba cwalo. Kuna ni Katulo ye taha. Kacwalo haiba Uka atula ka keleke ya Katolika, ki keleke ifi ya Katolika? Haiba Uka li atula ka ba Methodist, ba Baptist ba latehile. Haiba A li atula ka ba Oneness, ba Twoness ba latehile. Mwabona? Ki sikamañi

Sa ka li atula ka sona? Na bulezi kuli Uka li atula ka Kreste, mi Kreste ki yena Linzwi. Kacwalo ki Linzwi la Mulimu, leo Mulimu uka atula. "Kwa simuluho nekuna ni Linzwi, mi Linzwi nali ku Mulimu, mi Linzwi neli Mulimu. Mi Linzwi aezwa nama mi ato yaha ku luna. Yaswana maabani, kacenu ni kuyakuile." Mwabona? Kacwalo, Uka li atula ka Linzwi la Hae.

⁵⁷ Mi cwale lufumana kuli mwa lizazi le, haba lika ku kasheza Bibebe kwande ("Kuamuhela keleke!" Bibebe: ha ba I bat. "Ki keleke!") kona kuli bakona kunga fela tuto ya bulapeli kamba sika kaufela, ni kuzamaya ka sona.

⁵⁸ Kihande, sina ha Ni ni ambola busihu bobuñwi kwa Shreveport. Mwa—mwa mulalelo, ha ba bulaya ngunyana ya sitabelo yani, ne ku sa "lukeli kuba ni mumela ku ona, mwa mazazi a sebene kaufela," kutokwe mumela, kutokwe sinkwa se si umezwi. Lik a kaufela nelina ni kuba zesina mumela. Sani ne si yemela masika a likeleke zesupa e lu fumana mwa buka mo, mi hakuna mumela. Sikamañi? Ki sika se si zwakani ni Sona. Mi lu zwakanisa lituto za litumelo ni kopano, lika zeñwi kaufela, ni Linzwi, mi lu sa lika ku li biza kuli Linzwi. "Hakuna mumela, ikaba mazazi a sebene kaufela."

⁵⁹ Mi mane nihaiba se si ciwa ki kacenu, musike mwa lika ku si bulukela kamuso. "Mu li cise ka mulilo, lizazi li si ka paula kale," kakuli kuna ni Liñusa lelinca le li taha, mi ili nto yenca. Mwabona, kulika ku li swala, kono wo ibile mubonelo wa keleke. Ancafazo ya zwelapili, mi taba yapili mwa ziba, mwahala myaha yemilalu, bakala kopano ku yona. Kopano ya kalisa, katengo.

Kono kikuli mu lemuhiile? Se sibile si ezahala fa myaha ye mashumi amabeli cwale, mi hakuna kopano. Mi hakuna kuba niyekana. A kona mafelelezo. Buloto bu kutezi kwa buloto hape. Buloto bu kutezi kwa bubeke bwa bona. Sikapi si yebuzwi kwateni. Mi buloto bu lukela kuina fa Pila Mwana, kuli bu buzwe.

⁶⁰ Kana ha ki nto yenca, kuli, ha ki kale hahulu, kwa Likamba la Upa, lififi lelituna? Ne ba si ka li utwisisa. Texas ya unsufala, sunda yefelile. Habakoni ku li utwisisa. Kikuli ha mu zibi kuli sani ki sisupo? Kikuli ha mu zibi kuli linaha za ikaba? Isilaele u mwa mubu wa habo. Mi lisupo ze lisupa kuli lu kwa maungulo. Nako yeswana ya unsufala, kana hamuzibi kuli sani ki sisupo sa na bulezi mupolofita? Eehe. "Kono ku kaba Liseli ka nako ya manzibwana," kuli ku kaba Liseli le li ka taha mwa nako ya manzibwana, fo lififi ni zeñwi ha se li zwile mwa nzila cwale.

⁶¹ Mutualime fela mo ne li bonahalela bunsu. Popu na ha taha kwanu.

Muhupule, kwani kwa tabernakele, fani bani... Muna ni matepu. Na sepa, kaufela mina mwa ikungelanga ona. Kuli mane Mulena na bonisize kwani zazi lani, mwa tabernakele, handende kwa masika a likeleke ani na ka bela ni mo ne aka bela! Ne

ni a swanisize fa limati fani, ona masika a likeleke o mubona aswanisizwe mwa buka. Mi haiba Moya o Kenile wani no si ka taha fafasi mwa Siita sesituna sa Mulilo, ni kuya handende kwani fa limota ni ku a swanisa handende, yena Kasibili, batu baba mianda yemilalu kamba yemine inge ba inzi, inge ba Li talimela!

Mi popu ha na kalile fela kutaha kwanu, kweli ya to tima. Mi ba kopa maswaniso ka nzila yeswana inge mo ne li swaniselizwe fa katala fani. Cwale ubile ni musipili wa hae kwanu la setini, ahata mihato ye setini, a fa mulalelo ku baba setini, kwa naha yeli fa nombolo yabu setini, ni libaka zensu ze taha kai ni kai. Kana hamuboni fo lu inzi? Lu kwa nako ya maungulo.

⁶² “Basomi ba ka taha mwa lizazi la mafelelezo, bali, ‘Hakuna shutano mwa nako kufita mo ne kuinezi, sapili ni bashemi ba luna ba si ka lobala kale.’”

Kono ha mubona lika ze likala kuezahala, mu inule litoho za mina, mu itukise. Sesiñwi sa kona ku ezahala ka nako kaufela, Kreste utela Keleke ya Hae.

⁶³ Cwale, ha ba li lumeli, kakuli ki...ki...Bona, bao baluke-...Ha ba lemuhi kuli ku bona ba ba taleleza Mañolo. Sicaba kaniti ha si lemuhi cwalo, kueza lika ze ni kubulela lika ze, basweli kutalezeza Mañolo.

Kana Kefasi yani na ka ziba cwani, yena muprisita yomutuna yani, ni bona baprisita bani mwa lizazi lani, bene ba soma ni ku Mu seha, kusina kuziba cwalo, kuli yena Mulimu ye ne basweli kuopela za hae, “Mulimu waka, kiñi ha U Ni tuhelezi?” Lisamu 22, “Mazoho a ka ni mautu a Ka a tabilwe.” Ku opela kuli mwa tempele, mi Yena inza shwa kwani fa sifapahano. Kanti ne ba sa zibi kuli ne ba eza cwalo. Nihaiba Jesu na lapezi kuli, “Ndate, ba swalele. Ha ba zibi se ba eza.” Kakuli, ne li bulezwi kale, ka Mañolo, kuli ba be libofu.

⁶⁴ Kana mwa ziba kuli Baipanguli ni keleke ya Katolika li bulezwi kale, mwa mazazi a maungulo, kuba libofu, taba yeswana, kwa Mañolo, ni Kreste ainzi fande, a lika kukena mwahali? “Kakuli wena ubulela kuli, ‘Ni fumile, mi hakuna se ni tokwa,’ kanti ha u zibi kuli u mwelwa, u mubotana, u nyandile, u mapunu, mi u sibofu, mi ha u zibi cwalo,” Sinulo 3. Ki fo he cwale, ku kutela kwa bubofu hape, ku hatikela fahalimwa lika za Mulimu, inge kuli (bona) Ne si sa talusi sika ku bona, ku soma ni ku Li eza lisheha. Kona se ibulezi Bibebe.

⁶⁵ Kono, kwa Keleke, Munyaliwa, Kungelwa ki sinulo ku Yena. Li patuluzwi ku Yena. Kuli, sinulo, Munyaliwa wa niti wa Kreste uka libelela sinulo ya Kungelwa yani.

⁶⁶ Cwale, ki sinulo, kakuli sinulo ki tumelo. Haukoni kuba ni sinulo kusina kuli ibe tumelo. Tumelo ki sinulo, kakuli ki sika se si patuluzwi ku wena. Tumelo ki sinulo. Tumelo ki sika se si patuluzwi ku wena, sina mo ne kuinezi ku Abrahama, ya

na bizize lika zesiyo kuya ka mo ne lipatululezwi kuyena, inge kuli ne li si cwalo. Cwale, tumelo, seo kona tumelo ili sona, ki sinulo ya Mulimu. Keleke i yahilwe fa sinulo, Mubili kamukana kakutala.

⁶⁷ Kwanu lisunda nyana kwa mulaho, Ne ni sweli kuambola ni mukutazi yomunde wa Baptist. Ataha ku to ambola nina. Ki hali, “Na ku lata kakuba mutu, kono,” ali, “u lyangani fela.”

Se nili, “Konakuli, Ni lapela kuli u ni tuse ku ba ya otolohile,” (ki hali . . .) “ka Mañolo.”

Ki hali, “Haluna kukona, Muzwale Branham, kuli lubeye lika hamoho kufitela luba ni Linzwi kaufela fa Linzwi, fa Linzwi, handende ka Sigerike, ni zeñwi cwalo.”

⁶⁸ Se nili, “Oh, sha, u ziba hande kufita zeo.” Se nili, “Nihaiba mwa Katengo ka ba Nicaea, kwa mulaho kwani ka kuba cwalo, lilimo ze mianda yemilalu kuzwa kwa lifu la Kreste, ne ba sa kanana ni muituti wa Mugerike ya na bulela niti. Mwakona kuziba. Ki sinulo, taba yateni kaufela. Ki si . . .”

Ki hali, “Ha ni koni kuamuhela sinulo.”

Se nili, “Kona kuli ukona kuamuhela cwani Kreste?”

Na ize, “Kiñi, Bibebe iize, ‘Ya lumela ki . . . ku Jesu Kreste, una ni Bupilo bobusafeli.’”

⁶⁹ Se nili, “Yeo ki niti. Hape ibulela kuli hakuna mutu yakona kubiza Jesu kuli ki Kreste konji fela ka sinulo ya Moya o Kenile ye patuluzwi ku yena.” Mwabona? Ki fo he cwale, ki kukuta hape, ku kutela hape kwa sinulo. Lina ni ku patululwa, mwa Bibebe.

⁷⁰ Kaine ni Abele ne ba sina Bibebe ya kubala, kono ne ku patuluzwi ku Abele, ka tumelo, yeli sinulo. Abele afu ku Mulimu sitabelo se si kateleha hahulu kufita sa Kaine. Mane, Mulimu apaka kuli nali ya lukile.

Mi Jesu ha na buzizwe fa, Mateu 16:17 ni 18. Haluna nako ya kubala litaba zeo, konji haiba mubata ku li ñola. Ki hali, “Kana batu bali ki Na mañi na nili Mwana mutu?”

“Alimuñwi wa bona ali ki Wena ‘Mushe, Elia, kamba zeñwi cwalo.’”

A bulela kuli, “Kono mina muli ki Na Mañi?”

⁷¹ Ki hali, “Ki wena Kreste, ili Mwana Mulimu yapila.”

⁷² Ki hali, “U fuyozwi wena, Simoni, mwana Jonasi, kakuli nama ni mali ha li si ka ku patululela seo. Ki Ndate ya mwa Lihalimu ya patuluzi Se ku wena. Fa licwe leo,” sinulo ya moyo ya Yo Mulimu ali yena, Yo Jesu ali yena. Mi ki Yena sinulo ya Mulimu, Mulimu ya ezizwe mwa nama ni ku patululwa kwa lifasi.

“Nali mwa lifasi. Mulimu nali ku Kreste, inza kutisana lipilu za lifasi ku Yena, kupatulula seo Mulimu nali sona, mwa mubili wa nama.”

“Ki wena Kreste, Ya tozizwe, ili Mwana Mulimu.”

⁷³ Ki hali, “Nama ni mali ha li si ka patulula se ku wena, kono Ki Ndate ya mwa Lihalimu ya ku patululezi Seo. Fahalimwa licwe l Ni ka yaha Keleke ya Ka, sinulo ya Linzwi mwa mwaha wa Yona. Ni ka yaha Keleke ya Ka, mi minyako ya lihele haina ku I koma.”

⁷⁴ Buka ya Sinulo kona Buka ya mafelelezo ya Bibebe. I swailwe ku baba sa lumeli. Mwahali mwani, Bibebe ibulela kuli, mwa kauhanyo ya 22, “Yo kaufela ya ka zwisa Linzwi ku Lona, kamba ku ekeza linzwi ku Lona, Ni ka zwisa siemba sa hae mwa Buka ya Bupilo.” Lu lemuha cwalo, kanti, kaufela zeo ne li filwe kwa balumeli. Mi I kwalula Buka ya Sinulo ni kupatulula Yo Mukalisi wa Buka kamukana ali yena. “Ha talimwa ki yena Alfa ni Omega,” kuzwa Genese kuisa Sinulo, Jesu Kreste ki ya swana fela, kumama fela handende. Ni kupatulula kunutu ya Hae ka kutala ya Hae, ni milelo ya Hae ya masika a likeleke za Hae ze sa taha, mi ne li swailwe mwani ka Maswayo Asupa.

⁷⁵ Cwale, Buka ne i ñozwi, kono he, muhupule, Ne i swailwe ka Maswayo Asupa. Mi Maswayo Asupa aa na sa lukeli ku kwalulwa (Sinulo 10) kufitela kulila kwa lingeloi la lifasi la mafelelezo mwa lifasi, Sinulo 10:7. Mwabona? “Mi mwa mazazi a ku utwahala kwa Liñusa la lingeloi la mafelelezo, lingeloi la busebene, kunutu ya Mulimu ilukela kutalelezwa mwa lusika lwani.” Kuli, mi lwani kona lusika mo lupila.

⁷⁶ Kaufela lwa ziba kuli lupila mwa Lusika lwa Laodesia. Hakuna kuba lusika lusili ku lona. Haku konahali kuba cwalo. Kacwalo, lupila mwa Lusika lwa Laodesia. Mi Maswayo Asupa asweli Buka yani, ki kunutu kwa sicaba, ye lukela ku kwalulwa ka lizazi lani. Seo kona sa Na sepisize. Cwale, haina kuba sika kwande a Linzwi, kakuli hamukoni ku ekeza kwa Linzwi kamba kuzusa kwa Linzwi. Lina ni kusiyala ona cwalo kamita lili Linzwi. Kono sinulo ki ku patulula Niti ya Yona, seo Ili yona, kuli Li swalisan hande ni Mañolo amañwi kaufela. Mi kipeto Mulimu upaka zeo kuba Niti. Mwabona?

⁷⁷ Mulimu hatokwi mutoloki ni yomukana. Yena ki mutoloki ili Yena. U itolokelanga toloko ya Hae Tota ka kutisa lika Za bulezi kuli lika ezahala. Sina, kwa simuluho, Na ize, “Ha ku be liseli,” mi kwa ba liseli. Sani ha si tokwi toloko ni yekana. Ne si pakilwe.

⁷⁸ Cwale, Na sepisize lika zeñwi mwa lizazi la maungulo le, mwa Mañolo. Kiñi, ki zeo foo.

Cwalo kona Jesu mwa na bezi Mwana Mulimu. Na sepisize ku Mu luma. Ha Na li mwa mazazi a Hae fa lifasi fa, mi sicaba ne si sa Mu lumeli, Na ize, “Mubale Mañolo, kakuli ku Ona munahana kuli muna ni Bupilo Bobusafeli, mi ki Ona apaka za Ka. Haiba ha

Ni ezi misebezi Ya Ndate, konakuli musike mwa Ni lumela. Kono haiba ha mu Ni lumeli, mulumele misebezi ye Ni eza, kakuli ipaka Yo nili Yena.”

⁷⁹ Kihande, he, mwa lusika lwa Wesley, misebezi ya na eza ne i paka yo nali yena.

Mwa lusika lwa Luther, fa kuongaonga, kiñi, luli, ne li paka yo nali yena.

⁸⁰ Mwa mazazi a Mapentekota, ku kutisezwa kwa limpo, ku kutisezwa kwa limpo, kubulela ka malimi ni ku leleka mioya ye maswe, ni limpo, kiñi, ne li pakile. Nekusina lisheha ka zona. Sicaba sali, ha li taha ka nako yapili . . . Ni balile litaba za kale kuama Pentekota. Se bali, “Halina kuina nako yetelele. Li ka tima.” Li sa tuka. Kiñi? Kakuli hamuna ku li kasheza kwande. Mulimu na bulezi kuli likaba teni. Ki sona siemba sa Linzwi sani, mi mane hamukoni kutima sika seo.

Mi cwale Munyaliwa ha sa bizizwe, mu ka u tima cwani? Ki sinulo ya ponahazo ya Linzwi la niti. Mi lupila mwa lizazi leo; tumbo ibe ku Mulimu; sinulo ya kunutu ya Hae kasibili.

⁸¹ Cwale, Kungelwa fela ki kuli . . . Kungelwa ko lu ambola kwa, ki kwa Munyaliwa fela. Muhupule, Bibebe iize kuli, “Mi bafu babañwi ha ba si ka zuha myaha ye wani sauzande isika petahala kale.” Kungelwa Kwa shangwe! Haiba hakuna Kungelwa, balikani, lu kai kana? Lu ka eza sikamañi? Ki lusika mañi lolu pila ku lona? Ki sepiso mañi ye lunani? Ku kaba Kungelwa. Bibebe ibulezi kuli ku kaba cwalo. Mi ku kaba fela kwa Baketwa, Kalibe ya Ketilwe, Munyaliwa mwa lizazi le, ya lelekezwi kwande, ki Keleke.

⁸² Miseb- . . . linzwi sakata, la *keleke*, litalusa “kubizezwa kwande.” Inge Mushe mwa na bichelize naha kuzwa mwa naha, niona Moya o Kenile u biza Munyaliwa kuzwa mwa keleke; Keleke kuzwa mwa keleke; ma membala, kuzwa mwa kopano, kona baba bupa Munyaliwa, kota ya Munyaliwa. Ki mwa—mwa tepu, yakuli *Kota Ya Munyaliwa*. Munyaliwa ya zwa, a bizwe, mi yoo ki yena cwale ya ka . . . kota ya Munyaliwa, Munyaliwa, nitaluse, ki yena ya ka ba mwa Kungelwa; kiyena, anosi, hakuna usili kono Munyaliwa, bona baba ketilwe ba ba zibilwe ki Mulimu kuzwa kwa simuluho, mali a moya a Ndate.

Mutuhele fela ni yeme fa ka muzuzu fela. Mi Ni zwelapili kuba ya ikalezwi, ni hanana kuli Ni ka mi buluka, ku mi buluka nako yetelele.

⁸³ Kono, mulemuhe, mutualime, mañi ni mañi wa mina sicaba. Kikuli mwa ziba kuli, myaha ya kwa kale u si ka pepwa kale, no li mwa mali a bo ndataho? Yeo ki niti. Kokwani ya bupilo, peu, neli ku bo ndataho; i zwa kwa buuna bwa muuna, isiñi ku musali. Mwabona? Musali utisa lii, mwa siyaleto sa hae. Kono peu izwa ku nd- . . . Cwale, muli, ku bo ndate . . .

⁸⁴ Kamba, mwana ka wa mushimani yainzi fa, hane Ni li wa lilimo ze lishumi ka ze silezi za kupepwa, mwana ka nali kuna. Ne ni sa mu zibi, kono naliteni. Cwale, mwa siyaleto sa mai, ka linyalo le li kenile, uba mwa sibupeho sa ka. Na mu ziba. Na kona kuikambota ni yena. Mi ataha fela ka nako ye ne swanelia kukli ataha ka yona.

⁸⁵ Cwale, kona mo ne muinezi ni mina, haiba muna ni Bupilo Bobusafeli, ne muli mwani...ku Mulimu ku si kaba kale ni lifasi. Wena u siemba, u mwana Mulimu, mulelo wa Mulimu. Na ziba lusika lo no taha ku lona. U ku lukiselize kutaha mwa lusika lwateni, kuli unge sibaka seo, mi hakuna yomuñwi yakona ku singa; hakuna taba ka malikanyiso ni lika zeñwi. U lukela ku ba teñi, kakuli Na ziba kuli ukaba teni. Cwale u bonahalile. Cwale wakona ku ambola ni Yena, mi seo kona Sa bata. U bata kutwano, kuli a lapelwe. Kono haiba bupilo bwa hao ne bu si ka...kamita neli fela mulelo ku Mulimu, ulikanyisa fela Bukreste. Mwabona? Ku kaba ma milioni ni ma bilioni a bona, ba kaba fela balikanyisi ba Bukreste.

⁸⁶ Ki mubulelelo o Ni bulezi cwanoñu nyana fa. Ne ni sweli kutalima Muzwale Demos Shakarian kwani, hane ba zwakanisa likomu, kutalima mipila ya kutatubela, ni zeñwi cwalo, inge li tisiwa ki madokota, inge ni buha lika zee.

⁸⁷ Mwa mata a buuna a zwa, kuna ni ma milioni a lipeu zetaha mwateni kuzwa ku muuna ka nako kaufela. Mi mane mai a eza milioni azwa ku musali ka—ka nako yeswana. Kono kana mwa ziba, mwahala likokwani ze nyinyani zami kaufela ze sweli ku zamaya zamaya, milioni ya zona, kuna ni fela iliñwi ya zona ye lukiselizwe kwa bupilo, mi kuna ni fela lii li liliñwi le li ka nuniswa? Mi kokwani yani i ka minyauka mwahala likokwani zeñwi zenyinyani kaufela, fahalimwa kokwani yenyinyani kaufela ye bonahala inge yona, ni kutaha fahalimwa *yona* ni kutaha *kwanu*, ni kufumana lii le lina ni mununo lani ni kukena ku lona. Mi kipeto kaufela ona a shwa. Kiñi, kubulela ka za kupepwa kwa bwalanjo, oh, ha ki nto ya kunutu inge kupepwa kwa nama, mo li fezwi, ni ku lemuhiwa kale ki Mulimu!

⁸⁸ Cwale, kwa simuluho, kwa mulaho kafoo, myaha ya kwa mulaho mane nako i si ka kalisa kale, wena, haiba u Mukreste ya pepilwe sinca, busihu boo, no li ku Mulimu nako yani, Ndata ho. Ki kabakaleo, ha mu taha mwa bupilo bo ni kubulela za Bukreste, kihande, lika kaufela li ka fosahala, u bile ukomoka libaka la se, ni se kaufela. Kikuli, u komokile ka zona. Kono, zazi leliñwi, Sesiñwi sa ku tahela. Neli sikamañi sani? Bupilo bwani ne buli mwani, kuzwa kwa simuluho. Mi haiba ki...

⁸⁹ Inge likande laka le li nyinya ka za mbande, ha i to fumana, maa yona ya fumana mbande. Mu ni utwile ha ni kutaza ka zona, ka mo mbande ya mwana ne indondozwi ki kuhu. Kono

yona, mikwa yayona ya kulika kufepa tuzwinyani twa—twa yona, mbande ya mwana ne i sa koni ku li ca, kakuli ne ka si kakuhu, ka kukala. Ibo, ne ka inzi mwa sikalamunanga sa likuhu, mi ka latelela kuhu. Kono nasikuku ha na fata mwatasa sishete ni libaka zeñwi, mi ka mbande ka mwana ka palelwa kuitiisa. Kono nako kaufela ha ne i kekela i kueza zeñwi kaufela, mi tuzwinyani kaufela twa ya, kuli ni kona ka zamaye hamoho. Kono zazi leliñwi . . .

⁹⁰ Maa kona a ziba kuli na beezi mai amabeli, isiñi li liliñwi. Ne ku lu kela kuba leliñwi, kokuñwi. A zwela ku yo ka bata, inza fufa fufa, ni kupotolola. Mafelelezo a taha fahalimwa litema lani, mi afumana mbututu wa hae, mi a huweleza ku yena. Neli linzwi, la kuli, na lemuhile kuli sani kona sika se si swanelia. Sani kona sa na bata, mwabona, mi ki ha lemuha kuli na si kuhu batili. Na li mbande.

Mi kona ona cwalo, Mukreste kaufela ya pepilwe sinca, ha u taha. Hanina taba kamba u ikopanya kwa likopano zekai, kamba ki mabizo a makai, linako zo i ñolisize libizo la hao mwa libuka ni lika zeñwi, mi Linzwi la niti la Mulimu lani ha li bonahalile ni kutaha fapila hao cwalo, u lemuha kuli u mbande, ona foo. Kakuli, ona ku kekela kwa kuhu kwa kaufela, “U kopane ku *se*, ni ku ikopanya ku *se*, ni kuya ka nzila *ye* ni nzila *yani*,” ki za bukuba. Ki la niti, ku ekeza Linzwi kwa Linzwi.

⁹¹ Mi peu ha itaha mwa mba ya—ya musali, ha i lwali za . . . Wena, no si ka ba peu ya mutu kuzwa ku ndataho, mi nto yetatama u ba peu ya nja, ye tatama uba ya kaze, nto yetatama uzwa kwa kuhu. Kaufela yona neli fela peu ya butu.

Mi Mubili wa Jesu Kreste, yena Munyaliwa, ukaba siemba sa Mubili wa Hae. Zona zeo . . . Na li Linzwi, mi Munyaliwa u kaba Linzwi; Linzwi le li ekelizwe kwa Linzwi, ku ekezwa kwa Linzwi. Kuluka kwa Luther, kukeniswa kwa Wesley, kolobezo ya Mapentekota ya Moya o Kenile, kukutisezwa kwa limpo, ni zeñwi za Zona kaufela, ze zamaeleta hamoho ni Zona. Mwabona? I lukela kuba Linzwi fahalimwa Linzwi, peu fahalimwa peu yeñwi, Bupilo fahalimwa Bupilo, kuli kutahé sibupeho sesitezi sa Munyaliwa wa Mulena Jesu Kreste. Cwale, mu hupule kuli wena no li mulelo.

⁹² Mi cwale, taba yateni ki kuli, kasamulaho lu fumana lika ze, kuli Kreste u tahela Munyaliwa wa Hae, cwale lu kena cwani ku Munyaliwa yani? Yeo kona puzo.

Babañata bali, “Kena mwa kopano ya luna.” Alimuñwi wa bona ubata mufuta omuñwi wa kolobezo. Yo ubata kueza *se* kamba *sani*. Alimuñwi naize, “U lukela kubulela ka malimi, kusi cwalo ha una Ona.” Yomuñwi naize, “Ha u lukeli kubulela ka malimi.” Yo ubulela kuli, “U lukela kubinela mwa moyo.” Yo uli, “U lukela kuhuwa.” Yo, “Una ni maikuto a mibili.” Kaufela zona li lukile, mi he, niteni, kaufela li fosahalile.

Kana ku konahala cwani kuli muuna...kamba musali, kamba mwana Mulimu, ya pepilwe ka Moya wa Mulimu, a hane Linzwi la Mulimu? Kanti, Mulimu yena Kasibili ha Li toloka uize kuli, "Se ki Sona. Ni Li sepisize. Ki Se fa," ku Li bonisa patalaza fela mo Li kona kubela. Kiñi, ba tamehile ku Li bona. Mwabona? Kana Kreste ukona kulatula cwani Linzwi la Hae Tota? Mi haiba Kreste uteni ku wena, Hakoni kulatula Linzwi la Hae Tota.

⁹³ Konakuli lukena cwani mwa Mubili woo? Makorinte Bapili 12, "Ka Moya ulimuñwi luna kaufela lu kolobelizwe mwa Mubili wo, ka kolobezo iliñwi ya Moya o Kenile." Kuli, haiba mubata ku iñola, ki Makorinte Bapili 12:13. "Mi ka Moya ulimuñwi luna kaufela lu kolobelizwe." Mi Moya wo ki Bupilo bwa Kreste. Kana ku cwalo? Bupilo bwa Kreste! Mi bupilo bwa peu kaufela... Ili, Yena nali Peu ya Linzwi, yetisa Peu kwa Bupilo. Mwa utwa kana? Haiba nji—haiba Bupilo bwani bu beilwe mwa Peu, mi kolobezo ya Moya o Kenile ye itaha fahalimwa Yona, itamehile kutisa Peu yani kwa Bupilo.

⁹⁴ Sina hane Ni mi bulelezi, kwanu kwa Phoenix, ha ki kale hahulu. Ne ni ambola ni Muzwale John Sharrit. Ne nili kwande kwani, mi a ni bonisa kota, ya litolwana. U—u cezi likota zeñata za litolwana. Mi ani bonisa kota iliñwi, ne ina ni litolwana ze eiti kamba naini za mifuta ye shutani kuyona. Mi se Nili, "Muzwale Sharrit, ki kota yecwani ye?"

Ali, "Ki kota ya olonji."

Se nili, "Kiñi lemune, ni tangelini, ni tanjelo, ni ni ya muselo wa gilepu?"

Ki hali, "Kaufela ki miselo ya litolwana. Ye comekilwe fela."

"Oh," Se nili, "Na bona. Cwale, isaho, ikaba fela ni ma olonji kakul-..."

⁹⁵ "Oh, batili. Kota ni kota ika beya za mufuta wa yona. Mutai ni mutai uka beya za mufuta wa ona."

⁹⁶ Buñata bwa mina balimi ba miselo mwa ziba cwalo, ona mwa musindi wa litolwana mo. U ka beya za mufuta wa yona. Ha mu beya mutai wa lemune mwa kota ya olonji, u ka beya malemoni, kakuli ki sibupeho sa muselo wa litolwana zateni. Ibo, hauna kubeya muselo wa makalelo.

Mi zeo kona ze lu eelize. Lu kenyizwe mwateri, lu keni mwateri ni lituto za litumelo, ni zeñwi cwalo, ni kucomateka zeo mwateri, mo. Kana ba Methodist bakona kupepa cwani sika kaufela haisi kuba mwana wa Methodist? Kana kopano kaufela ikona kupepa cwani sika kaufela kwanda kuba mwana wa kopano?

⁹⁷ Kono haiba kota yeo ika tokwa kutubula mutai wa makalelo, ika beya ma olonji.

Mi cwale haiba Mulimu a ka eza sika kaufela mwa Keleke, ikaba sa makalelo, kukutela kwa Linzwi hape. Luli. Ina ni

kuba cwalo, kakuli Bupilo bu mwa Kota, mi Bu beya za mufuta wa Teñi.

⁹⁸ Cwale, ha lu fumana kuli, cwale, yeo kona keleke yetuna yani ye nyanyifalile, mwahala masika, ye beya miselo yateni. Mi mitai ha i tuhela, ya kokoleha kwateni. Ku Muñoli Joani 15, na si ka kokolela Mutai, cwale. A zwisa kwateni mitai, ku i kokoila kwateni, kakuli ne i sa beyi miselo. Mi—mi luna . . .

⁹⁹ Jesu ubata muselo wateni, wa Hae luli. Mufumahali wa Hae uswanela kupepa bana ba mufuta wa Hae luli.

Mi, haiba ha pepi bana, bana ba Munyaliwa, bana ba Linzwi, kona kuli ki mwana wa kopano. Mi, lilato la hae lapili, la lifasi ni kopano, li kutezi ku zona zeo. Mi haikoni kupepa wa niti, wa sakata, Mukreste yapepilwe sinca, kakuli hakuna se sili mwani kuli si Mu pepe.

¹⁰⁰ Kuswana fela inge ha kunga mutai wa lemune ni ku u comeka mwani, u ka tisa lemune, kono haukoni kutisa olonji, kakuli ne i siyo kwa makalelo kwani. Kono ne li tomilwe kwa simuluho, ka kuzibiwa kale ki Mulimu, ku lemuhija kale ni kupepwa, ina ni kutisa olonji. Haikoni kutisa nto isili fela.

¹⁰¹ Kona mo kuinezi ni Keleke ya Mulimu yapila, nako ha i taha. Mañi ni mañi . . . Ha u lumeleza Mulimu ku kala kueza sika, mañi ni mañi una ni mbola mi uile. Mwabona? Kubile ona cwalo kamita.

Ne ni sweli kubala mwa litaba za kale, za Martin Luther, kwanu ha ki kale hahulu. Ali, “Mi . . . Ne si nto yetata kulumela Martin Luther ya na ipanguzi ku ba keleke ya ba Katolika ni kuzwelapili ku zona. Kono,” ali, “nto ye ipitezzi, kuli na nanuzi toho ya hae fahalimwa bufitezezi bwa tumelo kaufela bo ne bu latelezi ancafazo ya hae, ni kuinelela ona cwalo fa kuluka kwa hae.” Mwabona? Likä kaufela, za malikanyiso ni zeñwi, za mu latelela.

¹⁰² Mutualime musala Bo. Semple McPherson, Aimee Semple McPherson, ya na bile ni tempele ye kwanu. Mukutazi kaufela wa musali ya nana ni mafufa ani ni kulwala Bibele ka nzila yeswana, fela—fela neli malikanyiso a nama!

Halikoni kuba za makalelo. Cwalo kona likeleke mo li sa koneli kubela. Mu tuhele kuli keleke yeñwi mwa muleneñi ibe ni sesiñwi, keleke yeñwi haina ku li yemela. Ba ka ba ni zona. Mwabona? Ha ki za makalelo nihanyinyani.

Linzwi la Mulimu ki la makalelo. Ki Linzwi, mi Li na ni kutisa za mufuta wa Lona; Mufuta wa lona mwa mwaha wa Teni, kuketiwa, kulukiswa ki Ndate, yena Mulimu.

¹⁰³ Cwale lu kena cwani mwa Keleke yee? “Ka Moya ulimuñwi luna kaufela lu kolobelizwe mwa Mubili ulimuñwi wo, Mubili wa Kreste,” ili yena Munyaliwa, ili Linzwi. “Lu kolobelizwe mwani ka Moya o Kenile.”

¹⁰⁴ Cwale ha lu lemuheňi haiba lu mwa lusika lwa mafelelezo, kamba nee. Cwale lu fumana kuli, haiba lu apula mwa Genese, mwendi, oh, mwendi mwa kauhanyo ya 5, hape mwakona kuapula mwa Luka ni kufumana, kuli Enoke nali wa bu sebene kuzwa ku Nuwe. Enoke.

Mwani ku swaseha peu ya noha. Kakuli, haiba Kaine neli mwana Abele, kona kuli neli wa bu eiti. Mwabona? Kono hakuna sibaka mwa Bibele fo ku bulezwi kuli Kaine neli mwan'a Abele...kamba Kaine—kamba Kaine kuba mwana Adama. Kakuli, kuli, Bibele ibulezi kuli, “Na li wa ya maswe yani.” Mi Adama ne si ya maswe. Mwabona? “Yani nali wa ya maswe.”

¹⁰⁵ Cwale lufumana fa kuli Enoke nali wa bu sebene kuzwa ku Nuwe, yeneli mufuta wa masika a likeleke. Cwale, baana babaňwi kaufela baba silezi, fapila hae, ne ba shwile, kono Enoke na ngilwe. Enoke na shimbilwe, wa busebene, kubonisa kuli lusika lwa keleke yabusebene ika ngiwa mwa Kungelwa. Cwale, hakuna kukakanya, lu mwa lusika lwa keleke ya busebene. Kaufela lwa ziba cwalo.

¹⁰⁶ Cwale, ki lusika lwa keleke ya busebene lo lu talimana ni Kungelwa. Kaufela a silezi na shwile. Kono Enoke na ngilwe, kakuli, “Na si ka fumanwa. Mulimu na mu ngile.” Kono Enoke, na shimbilwe, neli mufuta wa bona kaufela inge ba shwa. Kono haili—haili Munyaliwa wa nako ya maungulo uka bizwa kuzwa mwa...Kungelwa, kusina lifu, ku ka bizwa kuzwa mwa lusika lwa keleke ya busebene, ili zeo cwale ze lu pakelana ni lusika lwateni. Oh, mawi! Halu keneňi mwateni cwale, ka butungi luli. Mwabona?

¹⁰⁷ Cwale, fa, hape, mufuta wa masika a likeleke zesupa, zeo, mwa Sinulo 10:7, kuli kunutu yetuna ya Buka ne i lukela kupatalulwa ki Liňusa la lingeloi la busupa.

¹⁰⁸ Cwale, kuna ni Mulumiwa mwa lihalimu, kamita, ni mulumiwa fa lifasi. Linzwi la Sikuwa la kuli *lingeloi* litalusa “mulumiwa.” Mi mwa Liňusa la lingeloi la busebene, ha na sweli kupatalaza, bulumiwa bwa hae, “mi cwale ha kala ku utwahalisa bulumiwa bwa hae,” isiňi ha na kalile.

Jesu, ha Na kalile, Akala kufolisa bakuli ni baba zielehile. “Oh, yena Rabbi yomutuna yani! Ki Mupolofita.” Maňi ni maňi na Mu bata mwa keleke ya hae.

Kono ha Na tilo inafafasi zazi leliňwi, ni kubulela kuli, “Na ni Ndate lu Nto Iliňwi,” yani ne i shutana. Yani ne i shutana. “Mi kwanda kuli mucce nama ya Mwana mutu, ni kunwa Mali a Hae, hamuna Bupilo ku mina.”

“Kiňi, Ki muca batu!” Mwabona? Mwabona? Sani ne si shutana.

Na si ka li tatulula. Ne ba boni kale ponahazo, ponahazo ya Linzwi la Mulimu ya lusika lwa Hae, ye bonahalizwe patalaza

ku bona kuli Na li yena Mulumiwa wa lusika lwani. Mi Na sa tokwi ku tatulula sika.

¹⁰⁹ Balutiwa bani ne ba si ka kona ku Li tatulula. Kono ne ba Li lumela, kamba ne ba ka Li tatulula kamba nee. Ne ba inzi fela ba kuzize mi ba Li lumela. Kana ne ba ka bulela cwani kuli ne ba ka ca nama ya Hae ni kunwa Mali a Hae? Kiñi, ne ku sa konahali kuli baeze cwalo. Kono ne ba Li lumela, kakuli ne ba ketilwe. Jesu naize Na “ba ketile ku si kaba kale mutomo wa lifasi.” Mwabona? Ne ba Li lumezi. Kamba ne ba ka Li tatulula, kamba nee, ne ba Li lumela niteñi.

¹¹⁰ Cwale mutualime, cwale, mwa lusika lwa keleke ya busupa, “Mi lingeloi la busebene ha likala ku utwahalisa muhuwo, likunutu za Mulimu ne li lukela ku zibahala ona fani,” ki Maswayo.

Kuli, baongaongi bani...neba bile ni nako. Luther na si ka pila nako yetelele, ni yena Wesley na si ka pila. Masika na si ka pila nako yetelele, baongaongi bani. Nebana ni liñusa la bona la lizazi lani, mi sicaba sa li patalaza ni ku li ongaonga. Mi ki sikamañi seo?

¹¹¹ Hamukoni kupuma ze bupilwe. Pupo kamita ya paka. Mulimu u zamayanga mwa zwelopili ni pupo. Ina ni kueza cwalo.

Inge lizazi. Lizazi ha li pazula kakusasana, ki mbututu yomunyinyani ya pepilwe. Ki nto ye fokola, halina mufutumala omutuna. Ka teni kiloko, u zwa mwa sikolo se si pahami. Mwahala musihali, u kena mwa bupilo. Sili kiloko mwa musihali, u ya a supala. Faifi kiloko, wa shwa. Kusupala ni kufokola hape, ukutela kwa libita. Kana ao kona mafelelezo a lona? La pazula hape, habusa. Mwabona?

¹¹² Mutualime likota, mo li beela matali a zona, lika kaufela ze li eza. Cwale lu fumana kuli, matali a zwa kwa likota, ni kukuta. Sikamañi? Bupilo buya kwatasi mwa mubisi wa kota. Kana ao kona mafelelezo a yona? Bukuta hape ka nako ya mbumbi, ni bupilo bo bunca.

¹¹³ Cwale mutualime likeleke, mo li ezelize nto yeswana mwa Kuongaonga. Ya mela. Peu ya buloto yani ye ne wezi mwa mubu ni ku shwa, mwatasa nyandiso ya masika a lififi. Ya kena mwa mubu. Ne ina ni kushwa. Mutu ufi kaufela, wa moya, wakona kubona cwalo. Kuli, mwendi peu yeo ha i sa shwi ni kubola, i ina inosi. Mi ne ina ni kukena mwa mubu, mwatasasi a lusika lwa lififi. Ne i lobezzi mwani, i bolile. Mi ya mela mwa matali amabeli a keleke ya ba Lutheran. Kuzwa mwa keleke ya ba Lutheran, kwataha matali amañata, Zwingli ni babañwi cwalo. Kuzwa fani kwataha sibunga, yeneli John Wesley, lusika lolutuna lwa balumiwa. Ya wa hape. Kuzwa mwani kwa taha lusika lwa bupumi lwani, lusika lwa Pentekota lwani. Peu ya mbonyi yani, kuli...

¹¹⁴ Kuna ni mutu kaufela, mo, yakile a lima buloto? Mu talime buloto bwani ha mu bu talima. Ha mu zwela kwande kwani, muli, “Ni na ni buloto.” U bonahala inge kuli una ni buloto mwateni. Ha u ka apula ni kutilima mwateni. Hauna buloto ni bo bukana. U na ni sikapi. Kana Jesu na si ka lu lemusa zeo, mwa Mateu 24:22 . . . -foo? “Mwa mazazi a maungulo, kuli, mioya yemibeli ikaba hahulu fakaufi hamoho, i ka puma ni bona buloto bo bu ketilwe haiba kinto ye konahala.” Mwabona? Cwale mutualime. Ki sishimbelo.

¹¹⁵ Cwale, Bupilo bone butile ka Luther kona bo ne bu ezize Wesley. Bupilo bo bu zwile ku Wesley kona bo ne bu ezize Pentekota. Bupilo bo bu zwelela mwa Pentekota kona bo bu eza buloto. Kono ki lishimbelo. Mwabona? Bupilo bwa niti bufita ku mwani. Liñusa lifita mwateni, kono Bu libile mwa kuba buloto. Ki kabakaleo buloto ha butile butisa nto kaufela mwa Kungelwa, mane ku to fita fahalimu fa. Munyaliwa, Kasibili, uzwelela mwa lusika lufi ni lufi. Kono lutaka lwa likopano lwa shwa, lwa omelela ni kushwa. Kikuli mu lemuhile, mazazi a maungulo a, mo likalezi ku comohela mwateni cwale? Buloto bwani ha bukala kuhula, mi ni—ni sikapi si kala kuyebuha ku Bona.

¹¹⁶ Mutualime mwa buloto nyana bwani a u talima fateni. Apula ikwaluhe sina *cwana*, ni kutilima mwahali ni kubona. Una ni kaemba nyana ka buloto kwa mulaho kwani. U na ni kunga siponi sa mubelekelo ofita fa mashumi amalalu, kuli ubone buloto bo bu shoshezi kwa mulaho kwani. Mwabona?

Bu kwa mulaho kwani, kono Bwa kala kuhula. Cwale, sikapi sani sina ni kuba teni, kuli si Li buluke, kuli si Li fe kolo ya kuzwa mwateni. Kono cwale ha Bu kala kuhula ni Liñusa la kala kuhasana, kipeto sikapi sa yebuha kwa Teni. Mi Bupilo buzwa mwa sikapi sani, kukena mwa buloto. Bwa zwelapili! Cwalo kona mo ne lu ezelize lusika ni lusika. Fela ha—ha li konahali fela kupuma ze bupilwe. Ki . . . Yeo ki zwelopili ya Mulimu, ka nzila Ya ezanga lika.

¹¹⁷ Mi cwale lwani kona lusika mo lupila teñi cwale, lusika lwa keleke ya busebene. Cwale, kaufela zona lina ni kubonahala mwa bubeke bwa buloto kwa mafelelezo, sesiñwi sa kuta. Cwale, haiba munga Luka kauhanyo ya 17 ni timana ya 30, Ki hali, “Ona mo ne kuinezi mwa mazazi a Sodoma, kona mo ku kabela ni fa kutaha kwa Mwana mutu, fani Mwana mutu haka kala ku i patulula Iliyena.” Kanti *kupatululwa* kinto mañi? Kuba ni sinulo ya Hae ka Sali sona mwa lizazi le. Kupatulula, kwa sicaba, Linzwi le li zibisizwe mwa lizazi lateni. Kupatulula, kwa sicaba, ka ponahazo ya Moya o Kenile kueza kuli Jesu upila mwahala luna. Mi, muhupule, Na yemezwi kwani ku mutu. Wa muuna! Na ize, “Sina mo ne kuinezi . . .” Cwale, Na balile Bibele yeswana ye lubala ni luna, Genese. Cwale, lu lemuha mwa kauhanyo ya Genese yani mwani, fani Jesu ha na bulela ka yona.

¹¹⁸ Lu fumana cwana, kuli, mwahali mwani, ni mukokoto wa Hae u fulalezi kwa tende yani, ni Sarah mwa tende. Na ize, Na buzize puzo. Mi na sa lumeli kuli se ne si ka ezahala. Ki hali, “Cwale, Abrahama, Ni ka ku potela kuya ka nako ya bupilo.” Mwabona? Mi Sarah, mwa tende, aseha ka zona. Ki hali, “Kiñi Sarah ha sehile, mwa tende, ali, ‘Lika ze likona kuba cwani?’”

¹¹⁹ Jesu na sepisize. Mi Yani neli Yena. Abrahama a Mu biza kuli, “Elohim,” yena Yamata kaufela. Yani neli Yena. Cwale, Bibele ibulezi kuli li ka kutela hape mwa mazazi a maungulo. Jesu na bulezi ona cwalo. “Mi ha mu bona lika ze likala ku ezahala,” muhupule fela, se ha si kala kuezahala ona cwalo, kona kuli, “mu ziba kuli nako se ili bukaufi mane seli fa munyako.”

¹²⁰ Mutualime lifasi lona kasibili. Mutualime lifasi, Sodoma, haiba ku kile kwaba Sodoma. Mutualime sicaba se si lyangani mwa kulyangana ko ku cwalo. Minahano ya bona i lyangani. Ha ba zibi kuli buiswalo ki sikamañi. Mutualime kukeshebisa kwa mulaho... [Hakuna manzwi fa tepu—Mu.]... -boozwa ni lika kaufela.

Mi mutualime bahame ba luna, ha ki siimpiti ni seo se si ezahala. Mutualime siimpiti sa ku saiswala, butanya mwahala bahame baluna. Mi isiñi fela baluna...

Mu li, “Bao ki ba Methodist.” Bani ki ba Pentekota, hape. Kona taba kaufela.

¹²¹ Mutualime baana ba luna. Ba paheka, mwa sibaka sa Linzwi la Mulimu, za sizo nyana sa kopano. Ba kumalela ku lona, kufita kuli ba zwe ha ba bona Mulimu inza itibahaza ili Yena ka kupetahala. Kona libaka, ha bali libofu. Habakoni ku Li bona. Habana ku Li bona.

Cwale mutualime se singa sibaka mo ku se, halunze lu akufa.

Ni sepa kuli kalibe yani ubata kuli lu zwe. Ne ni muboni ha nyanganyisa lizoho la hae, sika sesiñwi ka yena si bata kuli luzwe, kacwalo ki hande lu akufe.

¹²² Kacwalo cwale mulemuhe Enoke, mufuta wa Keleke. Fa hape u swanisizwe mwa lusika lwa keleke ya busebene. Kana mwakona kunahana cwalo? Lusika lwa keleke ya busebene! Mulemuhe. “Kwa ku utwahala kwa...”

¹²³ Ki ba bakai baba lumela kuli ku bile balumiwa ba sebene kwa kelek-...? Oh, luna kaufela lwa lumela cwalo, haiba lu lumela Bibele. Haiba ha lu lumeli Bibele, kakuli, mwabona, ha lu lumeli cwalo. Kono, kubile cwalo.

¹²⁴ Cwale lupila mwa lusika lwa keleke ya busebene. Mi cwale Bibele ha ibulezi cwalo, lusika lwa keleke ya busebene loo, “Mi mulumiwa wa lusika lwa keleke ya busupa ha kala ku utwahalisa Liñusa la hae, kuli likunutu za lika kaufela ze lyangani, mwahala lusika, lika patululwa mwa nako yateni.” Fa lwa li bona, Mwana mutu inza taha mwahala sicaba sa Hae ni kueza ona cwalo ka

swanelo, kupaka Liñusa la Hae sina ha Na bulezi kuli Uka eza. Fa lwa li fumana, mwa lusika lwa mafelelezo loo.

¹²⁵ Cwale, ni mitonelo ye sebene, inge mutonelo wabu sebene, ha u taha, na si ka taha ka nako yapili, yabubeli, yabulalu, yabune, kono natile ka mutonelo wa busebene. Yani neli Enoke, wa bu sebene, ya na ngilwe. Mi Nuwe, kakuba mufuta wa bo masiyaleti ba Majuda, u na ni ku shimbiwa ku siwa mwabuse. Cwale, mwa linako za Bibele, kubulela ka za mitonelo. Mi masihu na si ka kauhanyiwa mwa lihola, mwa nako ya Bibele.

¹²⁶ Cwale muteeleze hande. Kakuli, Ni ka akufa cwale, kakuli ba bata sibaka se. Batili. Bibele ne i si ka kauhana, kamba—kamba . . .

¹²⁷ Busihu ne bu si ka abiwa mwa lihola, mwa linako za Bibele. Ne i kauhana mwa linako za kutona. Nekuna ni mitonelo yemilalu. Cwale, mutonelo wapili no kala ka naini kufitela twelufu. Mutonelo wa bubeli no kala ka twelufu kuisa ka sili. Mi mutonelo wa bulalu wa busihu no baliwa kuzwa ka sili kuisa ka sikisi. Cwale luna ni zetalu, zetalu, mwa bulalu, zeo ki naini, yeo kipalo ye si ka luka. Mi lu kutela hape ku ze sebene za Kungelwa, ze ka ezahala, Na lumela, mwahala sikisi ni sebene kiloko . . . kamba sikisi ni naini kiloko, kakusasana omuñwi. “Kakuli tolombita ya Mulena ika lila.”

Kakusasana omunde wani ko kusina malu fo
baba shwezi ku Kreste ha bata zuha,
Mi ba ta ikabela kanya ya zuho ya Hae;
Fo baketwa ba Hae ha ba ka kopanela kwa
mandu a bona mwabuse bwa lihalimu,
Muta mabizo a bizwa kwani, Ni kaba teni.

¹²⁸ Linzwi la kuli *kungelwa*, mwa Bibele, mane ha li si ka itusiswa ni hanyinyani. Lu beya fela linzwi leo mwateri. Bibele ibulela kuli, “*kungelwa; ku shimbiwa.*” Lu balile mo mwa Matesalonika Babubeli . . . Kamba, Matesalonika Bapili, ki mukwa wa Kungelwa ko kutuna ko ku ka ezahala mwa mazazi a maungulo. Muteeleze ku se fa. Lu ka kalela fa timana ya 13 ye faa:

. . . *Banabahesu ha ni lati kuli. . . mu tokwe, ni kuba ni zibo, kwa neku la ba ba itobalezi, kuli mu si ke mwa ina mwa maswabi sina ba bañwi ba ba sina sepo.*

Kakuli ha lu lumela. . . Kreste na shwile ni kuli u zuhile hape, fo he bona. . . ba ba itobalezi ku Jesu Mulimu uka ba kutisa hamoho ni yena.

Mi se lu mi bulelela ka linzwi la Mulena, kuli luna ba ba pila haiba lu ka siyala mane Mulena akute ha lu na ku laka. . . (Linzwi lani lakuli kulaka litalusa “kutibela.”) . . . bani ba ba lobezi.

Kakuli Mulena yena luli uka tuluka. . .

Cwale muteeleze hande:

...Mulena yena kasibili uka tuluka kuzwa mwa lihalimu ka muhuwo, ni ka linzwi la nduna wa mangeloi, mi...tolombita ya Mulimu: ni ba ba shwezi ku Kreste ki ha ba ka zuha pili:...

¹²⁹ Cwale Ni bata kuli mulemuhe nto yetuna ye ezahala fa cwale. Musike mwa mbwinja se. Mwabona? Cwale mulemuhe. Linzwi li bulela fa, mwa Matesalonika Babubeli, kuli kuna ni lika zetalu. Mulemuhe. Kuzwa fa timana ya 13 kuisa ku ya 16, kuna ni lika zetalu ze lukela kuezahala pili Mulena Kasibili ha si ka bonahala kale. Kapili cwale, kuli lu kwale. Mwabona? Taba yapili ye ezahala... Mulemuhe: muhuwo, linzwi, tolombita. Ha lu I baleñi cwale mi lubone haiba yeo ki niti. Mwabona?

Kakuli Mulena yena luli (timana ya 16) uka tuluka kuzwa kwa lihalimu ka muhuwo, ni ka linzwi la nduna ya mangeloi, ni...ka tolombita ya Mulimu:...

¹³⁰ Liki zetalu za ezahala: Linzwi... Muhuwo, linzwi, tolombita, lina ni kuezahala Jesu asika bonahala kale. Cwale, muhuwo... Jesu ki yena yaeza zetaalu zateñi foo Yena—Yena—Yena—Yena wa tuluka.

Muhuwo, ki muhuwo mañi? Ki Liñusa le li utwahala, pili, Sinkwa se si pila sa Bupilo si tisa Munyaliwa.

¹³¹ Cwale, Mulimu una ni nzila ya kueza lika ka yona. Mi Ha cincangi mulao wa Hae. Ha cincangi toko ya mulao Hae-... Ki yena Mulimu ya sa cinci. Mwa Amosi 3:7, Na bulezi kuli hakuna sa Na ka eza fa lifasi konji pili A li patulule kwa batanga ba Hae bapolofita. Mi ka niti fela sina mwa Na sepiselize, Uka eza cwalo.

¹³² Cwale, lutile mwa masika a likeleke. Kono lu sepisizwe mwa mazazi a maungulo, kuya ka Malaki 4, kuli kukaba kukuta hape, kwa mupolofita mwa naха. Yeo ki niti. Mulemuhe sibupeho sa hae, mwa ka bela. Yena kamita...

Mulimu u itusisa moyo wani linako ze ketalizoho: hañwi ku Elia; ku Elisha; ku Joani Mukolobezi; kubiza Keleke; ni bo masiyaleti ba Majuda. Linako ze *ketalizoho*, “muhau,” J-e-s-u, t-u-m-e-l-o, mi ki nombolo ya sishemo. Mwabona? Ku lukile.

¹³³ Cwale, muhupule, Liñusa li sepisizwe. Mi cwale likunuto ze kaufela ha se li kwahezwi ki sikwata sa baituti ba za bulapeli, si ka lwala mu—mu mupolofita yazwa ku Mulimu kuli a Li patulule. Mi ona zeo kona za Na sepisize kueza. Mwabona?

¹³⁴ Cwale, muhupule, “Linzwi la Mulena litahanga ku mupolofita,” isiñi ku muituti wa za bumulimu. Mupolofita, ki siiponi sa Linzwi la Mulimu. Hakuna sa kona kubulela; hakoni kubulela milelo ya hae. Yena ukona fela kubulela sa patulula Mulimu. Neba mupolofita Balami hana likile ku lekiswa, ku lekisa tukelo ya hae, ki hali, “Kana mupolofita ukona kubulela

cwani sika kaufela kwanda seo Mulimu aka beya mwa mulomo wa hae?" Ki sika sa eza Mulimu, kuli hakuna so kona kubulela. Mi u pepilwe ona cwalo. Hakuna mukwa usili kwanda ona cwalo kihona . . .

¹³⁵ Haiba ukona kubulela kuli, "Ha—Ha—Ha ni koni ku kwalula meto aka," ha u talimela. Mwabona? Ha mukoni. Haukoni kuotolola lizoho la hao, ha u kona kueza cwalo. Mwabona? Haukoni kuba nja kanti u mutu. Mwabona? U bupilwe fela ona cwalo.

Mi Mulimu kamita, ni yena, mwa masika, ka Isaya, Jeremia ni babañwi kaufela, Elia, mwa masika afelile. Mi sikwata sa bulapeli hane si lyangana, Na luma mupolofita, ku mu zusa kai ni kai. Na si wa siemba sa buino bwa bona, kipeto u to bulela Linzwi la Hae. A bizezwa kuli atahé, ni wa ya, ili fela baana baba pazauhile babatezi Niti ya Mulimu. Mi kamita kona mo mu kona ku mu zibela. Na ize, "Haiba kuna ni alimuñwi mwahala mina yali wa moya kamba mupolofita . . ."

¹³⁶ Cwale, bapolofita. Kuna ni nto yakuli "mpo ya bopolofita" mwa Keleke; kono mupolofita u lukisizwe kale ni ku ketelelwa nako yateni. Mwbona? Eni, sha. Cwale, haiba bopolofita bu bulelwa, bababeli kamba ba balaalu bana ni kuina ni kuatula haiba ki bwa niti kamba nee, keleke isika bu amuhela kale.

¹³⁷ Kono hakuna yana ina fapila mupolofita, kakuli nali—nali yena Linzwi la Mulimu ka kutala. Nali yena Linzwi lani mwa lizazi la hae. Mu boni Mulimu ha iponahaza. Cwale, Mulimu u sepisize ku lu lumela sani hape mwa mazazi a maungulo, kutisa Munyaliwa kuzwa mwa kulyangana kwa bulapeli, ka nzila yateni fela mo ku kona kubela.

¹³⁸ Halina ku ezahala; keleke haikoni kuamuhela Kreste. Luna, Mapentekota, halukoni kulwala Liñusa le mwa buino bo keleke ili ku bona kacenu. Lu ka lwala cwani nako ya maungulo mwa buino bo bali ku bona kacenu, kanti mañi ni mañi usweli kulwanisa yomuñwi, ni lika zeñwi kaufela, ni bulapeli hahulu feela? Oh, makeke! Ki busafa. Se li keni kale mwa likopano. Mi nako kaufela . . . Ha ni buza mutu wa litaba za kale kaufela kuli—kuli—kuli abulele shutano. Nako kaufela yeo liñusa ha ne liya mwa lifasi, mi hane ba li ongaonga, ne li shwela ona fani. Mi Pentekota iezippe nto yeswana yene ba ezize kaufela bona, Pentekota yene zwile.

¹³⁹ Mina, ba Assemblies of God, fani bashemi ba mina ba kale ni boma mina hane ba zwile mwa likopano zani kwa mulaho kwani, mwa Katengo Kakatuna ka kale, kuhuwa ni ku lumba Mulimu, ni kubulela kulwanisa lika zani. Mi mwa sikuluha, "sina nja kwa mataza a yona, ni kulube kwa sileze sa yona," ni kueza lika zeswana ze ne ba ezize. Mi cwale seli bulapeli hahulu fela, mwa paleliswa maikuto a sishemo. Una ni kuba ni kadi ya kopano mane usika ba kale ni silikani ni mina, batili.

¹⁴⁰ Mina, ba Oneness, Mulimu u mi file liñusa le li cwalo, mi kufita kuli muzwelepili kuya kwapili, ni kuzwelapili fela kuikokobeza ni kuzwelapili, nemuna ni kutamulula ni ku ongaonga sikhata sa mina. Mi mu kai cwale? Mwa buleke bo bu swana. Yeo ki niti.

Mi Moya wa Mulimu, unzo zamaya. “Na Mulena ni I cezi. Ni ka I selaela, musihali ni busihu. Kuli kutokwe ya ka . . .” Na lukisize lika ze kuba teñi, mi Na lukela kuluma Se.

¹⁴¹ Taba yapili ye taha, Ha kala kutuluka kuzwa kwa Lihalimu, kuna ni muhuwo. Ki sikamañi seo? Ki Liñusa, le li kopanya sicaba hamoho. Liñusa kona le li ya, pili. Cwale, nako ya kutukisa malambi, “Amuzuhe ni kutukisa malambi a mina.” Neli mutonelo ufi wani? Neli wa busebene, isiñi wa bu silezi. Neli wa bu sebene, “Amubone, Munyali ki yo wataha. Amuzuhe ni kutukisa malambi a mina.” Mi ba zuha. Babañwi ba bona ba fumanwa kuli ne ba si na Oli mwa malambi abona. Mwabona? Kono seli ya kutukisa lambi.

Ki nako ya Malaki 4. Sa Na sepisi- . . . Ki Luka 17. Ki—ki Isay- . . . Bupolofita bwani kaufela bo Bu kona kuzamaelela handende ka swanelo mwa lizazi le, mwa Mañolo, lwa libona ha lipila handende mwani. Hakuna . . .

¹⁴² Mwabona lika ze za ezahala, muzwale waka, kezeli. Mi, Mulimu mwa Lihalimu ha ziba kuli Ne ni ka shwela ofa katala fa cwale. U—u lukela fela kuzamaya kwa ni kwa fa nako yekuswani. Fela ki . . . Ki nto yende, ha ubona Mulimu ha zwa kwa Lihalimu, ayeme fapila likwata za batu, ni kuyema fani, inza iponahaza Iliyena sina mwa Na ezelize kamita. Mi yeo kona Niti, mi Bibele ye i kwaluhile. Mwabona? Kiniti. Ki luna ba faa.

¹⁴³ Mi mulao wa kopano u shwile. U icongile. Hauna kuzuha hape. Uka cisiwa. Kona mo mu ezeza kwa mitose ya mwa simu. Amuzwe ku zona. Mukene ku Kreste. Usike wa li, “Ni wa Methodist. Ni wa Baptist. Ni wa Pentekota.” U kene ku Kreste.

Haiba u ku Kreste, hakuna Linzwi le li ñozwi mwahali Mo kono kaufela u ka Li lumela. Hanina taba ka sa bulela mutu ufi kaufela. Mi kipeto Mulimu uka bonahalisa ona nto yeo. Kakuli, wena, Ha sululela Moya fa Linzwi, ki sikamañi se si ezahala? Kuswana fela sina kubeya mezi fa peu isili. I ka pila, mi Ii ka tisa za mufuta wa Yona.

¹⁴⁴ U li, “Ni na ni kolobezo, ya Moya o Kenile.” Seo ha si talusi kuli u pilisizwe, mane ki kwahule huile.

¹⁴⁵ Mutualime kwanu. U sibupiwa mwa bulaalu. U cwalo. Mwahali *mo* kuna ni moyo, se si tatama ki moya, mi se si tatama ki mubili. Cwale, una ni maikuto a ketalizoho mwa mubili wo, a ku swalisansa ni ndu ya hao ya lifasi. Ha li tamahanangi ni ze siyezi za teni. U na ni maikuto a ketalizoho a moya, *mo*: lilato ni lizwalo, ni zeñwi cwalo, ka zeo. Kono mwahali *mo* kona mo u pila *wena*. Seo kona so li sona.

¹⁴⁶ Hanili Jesu naize, “Pula ineleta ku baba lukile ni baba si ka luka”? Mubeye toze fande fani, ni peu ya buloto fani, ni kusela fateni mezi kuzona, ni ku libeya mwa mununo ni zeñwi ze cwalo, hanili bubeli bwa zona li ka pila ka mezi a swana? Luli. Kihande, kinto mañi yeo? Iliñwi yazona i ka beya toze, kakuli kona se ili sona. Toze i ka nanula mazoho a yona ni kuhuwa ka kuswana fela sina buloto.

¹⁴⁷ Kana Bibele haibuleli kuli, “Mwa mazazi a maungulo, ku ka taha Bokreste ba buhata”? Isiñi “Jesu wa buhata,” cwale. “Bokreste ba buhata,” baba tozizwe, baba tozizwe ka buhata kwa Linzwi; baba tozizwe ba likopano, kono isi kwa Linzwi.

Kakuli, Linzwi li ka pakelana isali Lona. Hakuna se li tokwa. Li ka pakelana isali Lona.

“Mi ku ka taha batozwa ba buhata.” Muna ni tepu yaka ku seo. Mi yona tozo yani- . . .

Oh, hane mu ka biza alimuñwi wa bona, kuli, “Oh, wena, kana u Jesu nji?”

“Oh, batili uka hana.” Ha koni ku yemela zeo.

¹⁴⁸ Kono cwale ha li taha ku za kuli “Oh, kanya! Ni na ni tozo!” Mi ki tozo ya niti. Muhupule, Kefasi nana ni Ona, hape, mi a polofita. Ni yena Baalami bana ni Ona, ni kupolofita.

Kono seo hasina sa kueza ni *se*, mwahali. Kwanda kuli yani neli peu ya Mulimu, mali a Hae kuzwa kwa simuluho, ku lemuhiwa kale, u felile. Hanina taba kamba u huwa cwani, kubulela ka malimi, kumata mata, kuhuwa. Zeo halina za kueza ni zona.

Toze yakona kubala mane inge zeñwi zani kaufela mwahala zona. Ni boni mahedeni ha ba nanuha, ni kuhuwa, ni kubulela ka malimi, ni—ni kunwa mali mwa katendele ka mutu, ni kubiza diabulosi. Mwabona? Kacwalo musike . . . Yeñwi ya maikuto ani ni lika zeñwi, mu libale zeo.

Ki pilu ya hao mwa Linzwi lani, mi yani ki Kreste. Mu likenye mwani, mi mu Li bone ha Li itibahaza, kuya fela ka mo Li kwaluhela inge peu ifi kaufela, ni ku i paka ili Lona mwa lusika lo Li pila ku lona.

¹⁴⁹ Luther na si ka tisa sika kaufela kwanda lushaba fela. Babañwi bani batisa lika lisili fela. Lu mwa lusika lwa buloto cwale.

Baha Luther ba niti ne ba na ni kutisa Luther wa niti. Pentekota ya niti ne i na ni kutisa pentekota ya niti. Ku felile. Kono lu fitelezi lusika lwani, ni kuzwelapili.

¹⁵⁰ Mwa ziba, keleke ya Katolika, ne ikalile, ya pentekota? Mi haiba keleke ya Pentekota ikona kuyema myaha ye likiti zepeli, ikona kuba mwa buino bo bumaswe kufita se ili sona ya ba Katolika cwale. Yeo ki niti. Ni bulela zeo kwa mizwale baka,

likezeli zaka, bao Ni lata. Mi Mulimu wa ziba cwalo. Kono muhupule, balikani, Ni lukela ku yo mi katanyeza kwa Katulo. Mi yeo ha i koni kuba nako yetelele hahulu kuzwa cwale. Ni lukela ku paka ze li za Niti.

¹⁵¹ Ha Ni kena mwa mikopano ni mina, kulapelela bakuli, neli nto yende. Kono, ha Ni taha ni Liñusa! Haiba Liñusa kaufela liya cwalo, ki Liñusa la niti . . .

Haiba ki niti, ki limakazo za niti za Mulimu, mi liina hande mwa kopano yani, mu ziba kuli ha ki za Mulimu, kakuli taba yeo i bulezwi kale.

Jesu naile inza folisa bakuli, kuli akone kuswala meto abona, sicaba, mi kutahe Liñusa la Hae. Yeo ki niti.

Sina ni kuba ni sesiñwi seo Mulimu aka zibahaza. Yena fela . . . foliso ya Bumulimu, limakazo za Hae ona cwalo, liswala fela meeto a sicaba. Pilu yateni luli ya Zona ki Liñusa. Yeo kona nto yateni, se si zwa mwahali *mo*. Ulika kunga sisshemo sa sicaba, kuli baine ni ku Mu teeleza, mwabona, kakuli kuna ni babañwi mwahali mwani baba supelizwe kwa Bupilo.

Zeñwi za bubeke, buloto, li wezifafasi, linyunywani za linopa. Mi zeñwi za wela mwa mikakani. Mi zeñwi neli kuli, za wela mwa mubu o munde, mubu o lukisizwe hande, mi ya beya kabuñata.

¹⁵² Cwale, kona nto yapili, ki ona mulumo. Nto yapili ki toombita mi ni . . . kamba linzwi . . . Mu muhuwo; mi kuzwa fo ki linzwi; ni kona kutatama tolombita.

Muhuwo: mulumiwa u lukisa sicaba kwa buitukiso.

Sa bubeli ki linzwi la zuho: lona linzwi leliswana, lani, lona linzwi la ku Muñoli Joani 11:38-44, le ne li bizize Lazaro kuzwa mwa libita.

Ku tisa Munyaliwa hamoho; mi kona kutatama zuho ya bafu, mwabona; kuli ba ngelwe mwahalimu ni Lona. Cwale mutualime lika zetaalu ze ezahala. Se si tatama ki sikamañi? Neli tolombita. Ki linzwi . . . Ki muhuwo; ki linzwi; ki tolombita.

¹⁵³ Cwale, taba ya bulalu, ki tolombita, zeo, kamita, kwa Mukiti wa Litolombita, ki ze bizeza sicaba kwa mukiti. Mi wani uy kaba Mulaleo wa Munyaliwa, Mulalelo wa Ngunyana ni Munyaliwa, mwa mbyumbyulu. Mwabona?

¹⁵⁴ Taba yapili yetaha ki Liñusa la Hae, kubiza Munyaliwa hamoho. Nto yetatama ki zuho ya Munyaliwa ya lobez; bona-bona bene ba shwile, kwa mulaho mwa masika asili, ba shimbiwa hamoho. Mi tolombita, Mukiti mwa lihalimu, mwa mbyumbyulu. Kiñi, sani kona sika se singa sibaka, balikani.

¹⁵⁵ Lu inzi ona fani, lu itukisize cwale. Taba inosi fela, Keleke ha i taha, ina ni kuina fapila Mwana, kuli ibuzwe.

Mukutuli yomutuna uka taha, kasamulaho nyana. Buloto bu ka cisiwa, mataka, kono bubeke bu ka kubukanyiwa mwa sishete sa Bona. Mwabona?

¹⁵⁶ Ha mu libofu mina sicaba. Mu—mu batu baba na ni ngana hahulu.

Mi hane Ni ka yema fa ni kubulela lika zeo ka za kuikupulela fela? Ni Li bulela kakuli Ki Bupilo, kakuli Ni na ni kuikalabela ku Mulimu ka ku Li bulela. Mi Ni swanelia ku Li bulela. Mi Liñusa la ka... Nako kaufela ka kuziba, kwa mulaho kwani mwataso foliso ni zeñwi ze cwalo neli fela kuswala mihupulo ya sicaba, ka kuziba kuli Liñusa ne li ka taha. Mi ki Le fa. Mi Maswayo Asupa ani akwalula, likunutu zani, ni kubonisa kuli lika zani kona ze ezahalile. Ne ni si ka li ziba.

¹⁵⁷ Kono kuna ni baana baba yemi ona mo cwale, be ne ba yemi hamoho nina. Fani, mina kaufela ha mu ni utwa ni kutaza sebelezo yani kui: *Muñaka, Ki Nako Mañi?* Kakusasana wani, ona fo ne I bulezi kuli Ikaba cwalo, ne ku yemi Mangeloi a sebene inza yemi fani, kuzwa kwa Lihalimu. Mi ha Na kambama cwalo mwahalimu, mi kakundukundu ka A isa mwahalimu mwani, luna inge luyemi, lwa li kutalima ha Na kambama cwalo, sayansi ya kopa siswaniso sa Ona, mwa naha kaufela, ku yo punya ni kwa Mexico.

¹⁵⁸ Mi fani, hane Ni sweli kutalima, zazi leliñwi, ha Ni kala ku kutaza ka za *Masika A Likeleke Zesupa* ani, mi Na biza Jack Moore, muituti yomutuna wa za bulapeli, Na li, “Jack, Kimañi Mutu yo ya yemi fani? ‘Kuna ni Alimuñwi ya swana ni Mwana mutu ya yemi fani, milili ye misweu sina boy a bwa ngu.’” Se nili, “Nali fela Mucaha, kana Ukona kuba cwani ni milili yesweu sina boy a bwa ngu?”

¹⁵⁹ Ki hali, “Muzwale Branham, wani neli mubili wa Hae ofilwe kanya.” Sani ne si si ka utwahala hande.

Kono ha Ni kena mwa muzuzu ni kukala kulapela, Ani zibisa sona hande ka mo ne siinezi. Mwabona?

¹⁶⁰ Ni kutilize hañata kuli Na li Bulimu, isiñi fela mutu. Na li *Mulimu* ya bonahalile mwa nama: Mulimu, mulelo wa Mulimu, wa lilato; milelo yemituna ye ne tilefafasi, ya bonahalela falifasi, la Mulimu. Jesu nali lilato la Mulimu, ya na bupile mubili woo Jehova Kasibili na pila kuona. Na li mutalelela wa Bumulimu ka mubili. Sa nali sona Mulimu, A si bonahalisa mwa mubili wani. Mubili wani no na ni kushwa, kukuli Akone kutapisa Munyaliwa wa Hae ka—ka—ka a Hae ka Mali a Hae.

¹⁶¹ Cwale mulemuhe, isiñi fela kuli Munyaliwa utapisizwe, kuswalelwa, kono Ubeilwe ya lukile. Mwabona? Kana mukile mwa lika linzwi kubeiwa baba *lukile*, kubona se litalusa?

Cwale, ka mutala, haiba Muzwale Green na utwa kuli Ne ni sweli kunwa, Ne ni sweli kueza lika ze maswe, mi afumana kuli

ne Ni si ka eza cwalo, mi ki ha taha, ali, “Na ku swalela, Muzwale Branham.”

¹⁶² “U ni swalele? Ha ni si ka eza cwalo. U ni swalela sikamañi cwale?” Mwabona? Kono haiba Nina ni mulatu, kona kuli Na kona kuswalelwa; kono ha Ni si ka luka kale, kakuli Ni fosize ka ku sieza.

Kono linzwi lakuli kubeiwa ya *lukile* kuswana sina “mane wa samba kuba u fose, fateni.” Kuluka! Mi kipeto Mali a Jesu Kreste a lu kenisa kwa sibi, kufitela ha li beiwa mwa Buka ya kulibala kwa Mulimu. Ki yena fela Anosi ya kona kueza cwalo.

¹⁶³ Halukoni. Lwakona ku swalela kono haluna kulibala. Ne ni ka ku swalela, kono kamita Ni kana ni hupulanga kuli u kile wa ni foseza ka bumaswe. Konakuli, ha u si ka luka; u swalezwi feela.

Kono, fapila Mulimu, Munyaliwa u beilwe ya lukile. Na si ka li eza, ka kukala. Amen. Inza yemi fani, anyezwi ku Mwana Mulimu ya kenile; ali kuba aeze sibi, nihaiiba ka nako yapili. Kiñi? Na lemuhiwe kale isoli kwa makalelo. Na swasehile fela ku sona. Mi cwale ha Sa utwile Niti ni kutaha cwalo, Mali a Mu kenisa. Mi Uyemi fani, ali ya kenile. Mwabona? Yena, hakuna sibi ku Yena, ni hanyinyani.

¹⁶⁴ Kabakalelo, Liñusa li biza Munyaliwa hamoho, mwabona, ki muhuwo.

Mi tolombita . . .

Yena ya swana, Yena, ka linzwi lelituna, Na huwile ka muhuwo wani ni linzwi, mi a zusa Lazaro. Ka linzwi lelituna la Na huwile kuli, “Lazaro, zwa mo.” Mwabona? Mi linzwi la mu zusa—la mu zusa Munyaliwa wa lobesi, bafu baba lobesi.

¹⁶⁵ Mi tolombita, “ni mulumo wa tolombita.” Mi, ha i lila, ya biza. Kamita, tolombita ne i bizeza Isilaele kwa Mukiti wa Litolombita. Mwabona? Mane, wani neli Mukiti wa pentekota, Mukiti omutuna mwa mbyumbyulu; mi Mukiti wa Litolombita. Mi, cwale, tolombita i zibahalisanga pizo ya kutaha hamoho kuli, “Amutahe kwa Mukiti.” Mi cwale wani kona—kona Mulalelo wa Ngunyana mwa mbyumbyulu.

Cwale mutualime: Ku kopana hamoho; ni Munyaliwa; Mukiti wa Litolombita; Mulalelo wa Sinawenga. Lu li boni mwa mifuta. Cwale mutualime fela fa nako nyana lu si ka kwala kale. Mulemuhe. Lu li boni mwa mifuta.

¹⁶⁶ Cwale, haiba mubata kubala mwa Mateu 18:16, Ku izwe, “Kuna ni zetaalu ze pakelana,” mwabona, ku Muhalalehi . . . ku Joani Wapili 5:7, ni zeñwi cwalo. Zetalu kamita ki bupaki. Kana ku cwalo? Ki bupaki, nto ye lukile. Lipaki zetaalu ze pakelana. “Mwa milomo ya lipaki zepeli kamba zetalu, linzwi kaufela li tiiswe.”

¹⁶⁷ Cwale mulemuhe. Lubile ni lipaki zetalu. Zetalu kona bupaki. Cwale, se lubile kale ni kungelwa ko kulaalu mwa Testamente ya Kale. Kana mwa ziba cwalo? Kuba bupaki. Cwale amutalime. Enoke neli alimuñwi; Elia neli yomuñwi; mi Jesu neli usili hape.

Jesu, kakuba Licwe la butokwa, cwale, Upakile bupaki. Mwabona? Nali yena Licwe la butokwa mwahala Testamente ya Kale ni ye Nca, kakuli Nana ni kushwa pili mi kona angelwa. A shwa; a pila ni kuzamaya ni luna faa; mi kona a ngelwa mwa lihalimu. Kakuli, Na li yena Licwe la butokwa le ne li tamahanya zepeli hamoho. Kasamulaho wa zuho ya Hae ni kungelwa... Mutualime. Kasamalaho Amana kueza cwalo, ni kubonisa cwalo, Testamente ya Kale fani. Luna kaufela luziba kuli Enoke na ngilwe. Lu ziba kuli Elia na ngilwe ka kakundukundu, yeo ki niti, mwa koloi ya Mulilo. Mi Jesu ha na shwile, a pumbekwa, a zuha ni kupila fa lifasi fa, ni ki ha ngelwa kwa lihalimu, yena Licwe la butokwa. Ki zeo zetaalu foo, kuli lipakelane. Kana ku niti yeo?

¹⁶⁸ Cwale, kubile kungelwa kulikuñwi ko ku ezahalile kale. Mwa ziba cwalo nji? Zeo, ha luboneñi haina lwakona ku ipalela zeo, kapili fela. Ha lu ngeni Mateu, kauhanyo ya 27. Mi ha ngeni ni timana ya 45 ya Mateu, kauhanyo ya 27. Halu boneñi haiba ha ku yona yeo kapili, mi lubone haiba—haiba haluna kuba ni zelikani fela kuyona ye, i ka lu tusa, kapili fela. 27:45, Na lumela, Ni i ñozi fa. Ha lu baleñi.

Cwale ku kala ka nako ya sikisi lififi la ba teñi mwa lifasi kaufela kuisa ya naini...

*Ha i se ibatile kuba nako ya naini Jesu a huwa ka linzwi le lituna ali, Eli, Eli, lama sabak-...? Ki kuli,...
Mulimu waka, u ni tuhelezi ñi?*

*Ba bañwi ku ba ba li mo,...ha ba utwa cwalo ba li,
muuna Yo ubiza...Elia.*

*Mi kapili yomuñwi kubona amata, a yo nga siponji, se
si tezi vinega, a si comeka kwa lutaka, a mu fa kuli a
nwe.*

*Ba bañwi ne ba li,...tuhela lubone kana Elia wa ta ku
to mu pilisa.*

*Jesu, ha sa huwile...ka linzwi lelituna, a felelwa ki
moya...*

“Linzwi lelituna.” Linzwi lelituna! Mutualime.

Jesu, hana shwa, ahuwa ka linzwi lelituna, mi a felelwa ki moyo.

*Mi, amubone, lisila la mwa tempele la pazuha fahali ku
kala kwa halimu ku isa kwatasi; mi lifasi la zikinyeha,
macwe a pazuha;*

Mi mabita a atamiswa; mi litupu za ba bañwi ba ba kenile...ba ba ne ba shwile za zuha,

Mi ba zwa mwa mabita kasamulaho wa zuho ya hae, mi ba kena mwa munzi o kenile, mi ba itahisa ku babañata.

¹⁶⁹ Kungelwa kulikuñwi ku ezahalile.

Zetalu li ezahalile mwa Testamente ya Kale, za ba ba ne ba itukisize, bao Linzwi la Mulena ne litahezi. Mwabona? Linzwi la Mulena la taha ku Enoke. Linzwi la Mulena la taha ku Elia, mupolofita wa Hae. Mwabona? Linzwi la Mulena neli Jesu. Mwabona?

¹⁷⁰ Mutualime mwa Testamente ya Kale, ba bakenile ba Testamente ya Kale bani cwale, fani kungelwa kwa makalelo ha ku ezahala. Mulemuhe timana ya 50. Linzwi la hae lelituna ne li ti lo zusa balumeli ba Testamente ya Kale ona cwalo fela sina linzwi lelituna le ne li zusize Jesu...kamba ku zusa Lazaro. Mwabona? Linzwi lelituna la taha.

Mi ya bubeli i talelezwe mwa Matesalonika Babubeli, kauhanyo ya 4. Ha lu i ngeni fela luibale, lu bale. Lu i balile, mizuzu nyana ye fitile. Mwabona?

...Banabahesu ha ni lati kuli...mu tokwe, ni kuba ni zibo, kwa neku la ba...ba itobalezi, kuli mutokwe ku swaba, mane...

Yani kona Matesalonika Bapili 4:12 kuisa fa 18. Kwani, kwani ikaba Kungelwa kwa bubeli. Kungelwa kwa bubeli i kaba kungelwa kwa Munyaliwa.

¹⁷¹ Balumeli ba Testamente ya Kale baile fa Pila Hae, paradaisi i felisizwe. Mi ba ba kenile ba Testamente ya Kale ba kambamela mwahalimu, ka linzwi la Hae lelituna, ha Na huwile ni kulelelwa ki moyo; kakuli (kiñi?) ki Sitabelo, tifo ya libi za bona, le ne ba libeleta, ba lumela Ngunyana ye petehile yani ye ne taha. Neba file Sitabelo, yena Ngunyana. Mi ha Na shwile ni kufelelelwa ki moyo, A huwa ka linzwi lelituna, mi balumeli ba Testamente ya Kale ba zuha.

Mutalime muhuwo ni linzwi fa, taba yeswana kwa Kutaha kwa Hae. Mwabona?

“Ku felelwa ki moyo.” Mi Amano ba cwalo, Sitabelo sa petahala, mi paradaisi ya ba mukungulu. Mi ba ba kenile ba Testamente ya Kale ba taha mwa lifasi hape, ba zamaya mwa lifasi, mi ba kena ni Yena, mwa kungelwa kwa Hae.

¹⁷² Davida naize, kulo kwani, “Amu nanuhe, mina minyako ya kamita; mi amu nanuhe.” “Aisa lihapwa, ku yo ba luwa, afa kwa batu,” mi balumeli ba Testamente ya Kale ba yo kena ni Yena.

¹⁷³ Se bali, “Ki mañi Mulena wa kuluka yoo?”

¹⁷⁴ “Mulena wa Kanya, ya mata ya s apalelwí ki sesiñwi.” Yatiil mwa ndwa, ki bao ba taha, inge ba caula. “Jesu u isize lihapwa ku ba luwa,” mi ki Yo ataha, ni balumeli ba Testamente ya Kale. Mi ba kena mwa minyako yeminca mwahalimu Mwani, mi yali, “Amu ilngwalumunene, mina minyako ya kamita; mi amu ngwalumuke; mi Muena Kanya u ka kena.”

Linzwi la taha kuzwa mwahali, mi lali, “Ki mañi Mulena wa Kanya yo?”

¹⁷⁵ “Mulena kanya yamata mwa ndwa.” Minyako ya ngwalumuka ka kulwaluha. “Mi Jesu, Mukomi, a isa lihapwa ku yo ba luwa,” bona bene ba lumela ku Yena, mi Linzwi la taha ku bona. Kwani, balumeli ba Testamente ya Kale bateñi fani, ba libelezi, “A isa lihapwa ku yo ba luwa; a kambamela kwa Lihalimu,” aisa balumeli ba Testamente ya Kale mi ba kena. Kuna ni Kungelwa kulikuñwi, ko ku ezahalile kale.

¹⁷⁶ Kungelwa ko ku tatama ku ezahala mwa (Matesalonika Babubeli) kwa Keleke, Munyaliwa kuli a zuhe, kuli a shimbewa mwa Kanya. “Luna baba pila mi haiba lusiyala,” yeo kona mibili ye siyezi fa lifasi, “ha ba na kulaka kamba kupaleliswa bani baba itobalezi. Kakuli tolombita ya Mulimu ika lila pili, mi baba shwile ku Kreste ki ha ba ka zuha.” Mwabona? “Mi luna baba pila mi lusiala luka ngelwa hamoho ni bona.”

¹⁷⁷ Zazi leliñwi, Ne ni yemi mwa makozwana. Mi Ne—Ne ni yemi fa—Ne ni yemi fa manganandila inge ni buha baba caula ka lizazi le li bizwa Armistice Day. Mi ha i nanuha, kuya mwa mukwakwa, Na yema fani ni mwana ka wa mushimani, Joseph. Kwa taha, ya pili, neli mingomo yapili yene tahile ya lindwa, mingomo ya kale. Kuzwa fani kwataha mingomo yemituna ya ba Sherman ya ndwa yenca, ni lilwaniso zetuna ze kona kupanca mane kutibula, mi—mi litibiso za fa milomo kuzona, ni zeñwi cwalo.

Kuzwa fa, kwa taha masole; ba—ba—ba hame ba Gold Star. Mi cwale kwa taha ze ne cimbauka ni...fa fasi...Kihande, kwatasi kwani kwa taha ku cimbauka, mi kwa pata a sona nekuna ni libita le lili, “ku musole ya sa zibwi.” Mi fani nekuna ni—ni musole ya na yemi fani, ya babalela libita. Ne ku yemi sisepe kwa neku leliñwi, ni muzamaisi wa sisepe neku leliñwi. Mi nekuna ni mululwani o swanisizwe. Mi kwa neku leliñwi nekuna ni me wa ba Gold Star. Na tobezwi ki mushimani wa hae. Ne ku yemi mufumahali yomunca, ni toho ya hae ibeilwe fa tafule, inza lila. Mushimani yomunyinyani ya pazauhile inza inzi kwa matuko; ni mioko inge ibuba fa sifateho sa hae. Na latehezwi ki ndatahe.

Na hupula kuli, “Ha ki maswabiswa ni ao! Na yema fa ni kutalima, ku ba bona, basupali masole fela babalikani kona bene ba siyezi; inge ba caula kwani, lihole ni macembele, ona cwalo, ni liapalo zabona zeswana, kono ku ba bonahaza kakuli ne ba li ma America.”

Na hupula kuli, “Oh, Mulimu waka!”

¹⁷⁸ Zazi leliñwi, ku ka utwahala kupanca kuzwa kwa Lihalimu, “Mi bafu ku Kreste ba ka zuha pili.” Ona balumeli ba Testamente ya Kale bani kwani, baba libelezi, ku ka panca ni kutaha kwapili, ni ku ya mwa zuho. Lu ka kena hande mwa mundandwe, kukena mwa mbyumbiyulu; mibili ya nama ye ika cinca ni kueziwa sina mubili wa Hae o kanya. Ha ki—ha ki sikwata ni seo se si ka caula mo si ka yo bela kuliba lihalimu, leliñwi la mazazi a, mwa nako ya kungelwa yani yetaha kwapili, oh, ku bonisa ka swanelo Mali a Jesu Kreste fa lifuba za bona, Linusa la Mulimu mwa hola ye ne bapila kuyona. Yani kona hola ye lu libelezi, muzwale.

¹⁷⁹ Mutualime, ka kukwala fela cwale. Zuho ya bubeli, kaufela...Yapili i fitile. Ya bubeli i fa kaufi, ona fa cwale, lu ka sutelela cwanoñu fa.

¹⁸⁰ Cwale, ya bulalu ki lipaki zepeli za Sinulo 11:11 ni 12. Ili, bao ki bona ba ba kuta, ni Moya wa Kreste, ku yo pakela Majuda, inge Josefa mwa na ezelize kwa bahulwani ba hae. Mi amuhupule, “Mibili ya bona yeshwile ya lobala mwa mukwakwa, ka mazazi a malalu ni licika. Mi moya wa bupilo wa taha ku bona, mi ba ngelwa, ba ngelwa mwa Lihalimu.”

Ki koo fo kungelwa kwa mina ko kulalu kwa Testamente ye Nca.

Kungelwa kokulalu kwa Testamente ya Kale; kaufela zona lifelile.

¹⁸¹ Cwale lu itukisize, lu libelezi kungelwa, Kungelwa kwa balumeli. Ku bulezwi, mi kona mo ku kabela. Mi Mulimu ha bulela sika, “Lihalimu kaufela ni lifasi li ka fela, kono Linzwi lani halina ku fela.”

¹⁸² Mi Mulimu hana bulezzi, kwa mulaho kwani mwa Genese 1, Na ize, “Ha ku be liseli,” mi ikona kuba ka myaha ye mianda anda ku si ka ba kale liseli. Ki hali, “Ha ku be kota ya nzalu. Ha ku be kota ya oke. Ha kube lihalaupa. Hakube lilundu. Hakube se.” Na li bulezzi, mwa bona. Mi ibile fela ne li zwa mwa mulomo wa Hae, ka Linzwi, lina ni kubonahala. Lina ni kuba cwalo. Mi...

¹⁸³ Mi zazi leliñwi, Abiza sicaba sa Hae kwande. Mi A bulela ku muuna ya bizwa Mushe, ka Siita sa Mulilo, ili Liseli; Lelikenile, Mulilo o Kenile. Mi Mushe na si ka...Sicaba ne si sa lumeli Mushe, kacwalo Ali, “Aku batise kwa lilundu le.”

¹⁸⁴ Kakusasana wani, lilundu ne li tezi fela Mulilo, ni kumonyeha ni mishika cwalo. Mi sicaba sali, “Usike wa tuhela kuli Mulimu abulele. Mushe ibe yena ya bulela,” mwabona, “lu kasuhana lu shwa.”

¹⁸⁵ Mulimu ali, “Ha ni sa tola ni bulela ni bona ka mukwa o cwana, kono Ni ka ba tiseza mupolofita. Mi Ni ka bulela ka yena, ni sa bulela ha si ka ezahala. Kipeto, mu Li utwe, kakuli Ni—

Ni inzi ni yena.” Cwale, Na bulezi cwalo. Na bulezi kuli li ka ezahala.

¹⁸⁶ Mutualime mupolofita yo, Isaya, ya yemi fani; muuna, ya talifile, muuna wateni ya na hupulelwa hande, kihande, ki mulena, kakuli na pilile ni Uzia. Mulena, yanali muuna yomutuna, yana lika kunga sibaka sa mukutazi, nako yeñwi, ni kukena mwahali, a natwa ka mbingwa.

Mi sani kona sene Ni bulelezi baana ba pisinisi. Musike mwa lika kunga sibaka sa mukutazi. Batili, sha. U ine fela fo uinzi. Mwabona? Eza musebezi wa hao, ona wa ku tomezi Mulimu, wa ku bulelezi kueza. Haiba u munwana, haukonu kuba zebe. Haiba u zebe, hauna kuba ngo, ngo kamba liito. Mwabona? Akuine mwa sibaka sa hao.

¹⁸⁷ Ne mu utwile Liñusa lani, zazi leliñwi, fa papazo: *Kulika Kuezeza Mulimu Sebelezo*. Davida, mulena ya tozizwe. Sicaba kaufela sa huwa ni ku kalumuka, “Ku lukile.” Kono na si ka buza mupolofita wa Mulimu. Mi mutu a shwa, mi taba yateni kaufela ya sinyeha. Musike mwa lika kueza Mulimu ka sishemo. Mu libelele kufitela iba ka mushobo wa Mulimu. Ha li tahe ka nzila ya Hae ya kueza lika. “Ni ka kalisa taba tuna *ye*. Ika eza se.” Mu tokomele, muzwale.

¹⁸⁸ Cwale, Davida na ziba hande kufita zeo. Natani nali mwa naha, ka lizazi lani. Mane na si ka buziwa, ni hanyinyani. Mwabona? Na buzize bo kapitao ba litopa ze mianda ni likiti. Sicaba kaufela sa huwa, ni ku kalumuka, ni kubina. Kufita kuli... Neba na ni muzamao kaufela wa bulapeli, kono ne li siyo mwa sikuka ni swanelo ya Linzwi la Mulimu, mi la palelwa.

Sika sifi kaufela, se si si yo mwa mukoloko ni swanelo ya Linzwi la Mulimu, si ka palelwa. Ki Linzwi la Mulimu fela kona le li ka yema kuyakuile. “Lihalimu ni lifasi li ka fela, kono isiñi Linzwi la Ka.”

¹⁸⁹ Mulemuhe Isaya, yena mutangana ya butali yani inza yemi fani. Ka nako iliñwi fela, Moya wa mu nata. Na si ka bulela ka shutano. Na li mupolofita. Na ize, “Amubone, mwalanjo uka itwala.” “Ku luna Mwana u pepilwe; Mwana u pepilwe, mi kufilwe wa Mushimani. Libizo la Hae uka bizwa Muelezi, Mulena wa Kozo, Mulimu Yamata, Ndate wa Kamita. Mafelelezo a... mubuso wa Hae a kaba fa maheta a Hae. Mafelelezo a... Hakuna kuba mafelelezo kwa puso ya Hae.” Kana muuna yani na ka bulela cwani ka tokomelo kuli mwalanjo na ka itwala?

Mañi ni mañi na li libelela. Li se li bulezwi kale. Neli kuli SA BULELA MULENA KISONA. Nelina ni kuezahala, kakuli neli Linzwi la Mulimu. Kuswana sina mo ne kuinezi mwa Genese, ha Na cezi lipeu zani mwatasa liwate, koo “nekusina mufuta, ni nekuli fela; mi ni buliba.” Mwabona? Ne lina ni kuezahala. Mi zazi leliñwi, myaha ye mianda ye eiti kasamulaho, mba ya

mwalanjo ya itwala Peu ya Mulimu, yona Peu ye bupilwe. Ki ha pepa Mwana mushimani.

¹⁹⁰ Yena Mwana ya swana yani na yemi fani, zazi leliñwi. Mi ali, "Lazaro, zwa mo." Mi mutu ya na shwile mazazi amane, a bolile, ngo ya hae imbobanzi kale, inge anunka, a zwa. Ali:

Mu si komoki taba ye: kakuli nako yataha, (Amen.) fo bona kamukana ba ba lobezi mwa mabita ba ka utwa linzwi la Mwana Mulimu,

Kacwalo, li bulezwi kale. Lina ni kuezahala ona cwalo. Ku kaba ni Kungelwa. Oh, mawi!

¹⁹¹ Na hupula, neli fela Liñusa laka la mafelelezo mwa California, kone Ni hupula kuli Ha ni na kukutela kwateni hape, hane Ni akalelize kuli, "Los Angeles ika tiba mwatasi a liwate. SA BULELA MULENA KISONA." Ika tiba. I felile. I tapisizwe kale. I yongile. Nako ifi? Ha ni zibi nako, i ka tiba. Kuzwa fela ona fani, lizikinyeho za lifasi za kala ku pazuha ni ku obama.

¹⁹² Muhupule, buñata bwa mina baana ne mu yemi kwani, fa licwe lani, zazi lani Lingeloi lani ha li tulukafafasi kwani. Mi Liseli la Mulilo lani la wa kuzwa kwa Lihalimu, bukaufi ni lincwe fo ne lu yemi fani. Macwe a fefauka kuketauba fa malundu, ni kuwelaka mwa sibaka sani. La panca halalu, katata. Na li, "Katulo i ka nata kwa Likamba la Wiko." Mazazi a mabeli kuzwa fani, Alaska ya bata kutiba.

¹⁹³ Muhupule, yena Mulimu yaswana ya na bulezi cwalo, ya na ize, "Los Angeles i yundile." Mi i icongile. Ha ni zibi nako. Ha ni koni ku mi bulelela.

¹⁹⁴ Ne ni sa zibi kuli Ni bulezi cwalo. Kono muzwale yo fa, Na lumela neli yena . . . Batili. Alimuñwi wa baha Mosely, Na lumela, nali ni na mwa mukwakwa kwani. Ne ni sa zibi kuli sikamañi kufitela Ni talima kwa mulaho. Na talima mwa Mañolo.

Mi Jesu ali, "Kapernauma, Kapernauma, ku kanga nako . . . Wena ya ipahamisa ili wena . . ." (nitaluse) ". . . kufita mwa Lihalimu, u ka patamiswa ukene mwa lihele. Kakuli haiba misebezi yemituna ye ezizwe ku wena, ne i ezizwe mwa Sodoma, ne i ka yema ni kacenu." Mi mwendi ka myaha ye mwanda ni mashumi aketalizoho kuzwa fani, (Sodoma ne se i bile kale cwalo, mwa mubu) mi Kapernauma u mwa mezi, ni yena, kacenu.

¹⁹⁵ Mi ona Moya o swana wa Mulimu ono bulezi lika ze kaufela, ni kueza lika ze kaufela, zo No bulezi mwani, "Oh, muleneñi, Kapernauma, yana ipiza ka libizo la Mangeloi, Los Angeles, mo u i pahamiselize mwa lihalimu! Ona mubisi luli ni sipula sa Satani," (Mwabona?) "u i pahamisize ili wena."

¹⁹⁶ Bakutazi, ki mabita a bona. Baana babande baya kwani mi ba shwa sina lipeba. Ha ki butata ni boo!

¹⁹⁷ “Wena ya ipiza ka libizo la Mangeloi; kambe misebezi yemituna neika ezwa mwa Sodoma, yene ezahalile ku wena, ne ika yema ni kacenu. Kono nako ya hao ifitile.”

Mutalime mi mubone. Haiba ha kubi cwalo, kipeto Ni mupolofita wa buhata. Mwabona? Ki yani fani. Uinzi fani.

¹⁹⁸ Na hupula busihu bwani, Ni si ka bona kale sani, Na bona mubelu wa Munyaliwa. Na yema fani ni kubona kalibe yomunyinyani yomunde, ya apezi hande ka swanelo, ni lika zeñwi, inge a zamaya kucaula neku *lee*. Nekuna ni Yomuñwi yana yemi bukaufi ni na, mwa pono. Mi Na bona. Se bali, “Mubelu wa makalelo wa Munyaliwa.” Na Mu bona ha fita. Ba taha neku *le*, ni kupotoloha.

¹⁹⁹ Na i utwa itaha neku le, kwani—kwani likeleke inge litaha neku *leliñwi*. Mi kwa taha keleke ya ba Asian. Oh, mubulela ka za masila! Ki yeo keleke ya Europe ya taha. Oh, mawi! Mi cwale Na utwa za rock-ni-roll ki zeo za tibuluha, mi neli Maa America, keleke, mi mane na si ka tina nihaiba litino. Nana ni mapampili, sina mitende, ya mubala o museta, inza swalelezi kwa pata a hae, na bina ni lipina za rock-ni-roll; Maa America, yona keleke.

²⁰⁰ Na yema fani fa Pila Hae. Na hupula kuli, “O Mulimu, kakuba mukutazi, haiba zeo kona zende ze lukona kueza? Oh! Oh!” Mwa ziba mo mu i kutwela. Mi Na hupula kuli, “Mulimu, uni pate. Kambe Ne ni ka zwa fela kwanu. Haiba kaufela ze lu ezize, mi ze kona fela ze lu tisize, haiba zeo kona?”

²⁰¹ Mi cwale basali bani ha ba fita, kaufela i nge ba eza mikwa kaufela ya kubina ni lika zeñwi, ni milili yemikuswani, ni lifateho ze pentilwe. Mi ha ba mano fita cwalo, ne ba lukela kuba balanjo ku Kreste. Mi ha to fita cwalo, Na sikulula toho yaka, mwa ziba, ka kuswalelala *cwana* kwa pata kuna kwa pata. Ne li—ne li nto ye swabisa, kwa mikokoto yabona. Mi ki bani nebali cwalo, inge ba zamaya cwalo. Mi Na sikulula toho yaka, ni kulila, sina *cwalo*.

²⁰² Se nili, “Ne—Ne nisa koni kuyemela zeo kwani. Yena inza yemi fani, mi na ka ziba kuli na, nili mukutazi wa Keleke, mi zeo kona ze ne Ni tisize kuu Yena.” Se nili, “O Mulimu, ha Ni koni ku talima ku zona. Tuhela ni shwe. Tuhela ni—ni ikele ni iconge,” mi sina cwalo.

²⁰³ Mi i ma no ya fela, nako kaufela iliñwi ya zona ne itaha, ne ba ya kwa sibaka sesiñwi, mi ni ku yo wa. Ne ni utwa fela musindo ha i yo wela kafoo.

Mi Na utwa nto yeñwi ye swana ni *Masole Ba Sikreste*. Na talima, mi se kutaha sikuwata sa basizana babanyinyani ona cwalo fela mo ne ba inez, kaufela bona ba apezi hande ka swanelo, milimi ya bona inge i lepelela kwa mikokoto ya bona. Yetelela hande, ye kenile, inge ba caula sina *cwalo*, kwa muhatelo wa Evangelii. Nali yena Linzwi. Neba bonahala inge alimuñwi yazwile mwa naaha kaufela. Ne ni sweli kutilima fateni hane

ba sweli kufita cwalo, ni kuba bona ha ba fita. Kufita kuli ba shetumuke, ba kala ku kambama.

Ne lemuha kuli alimuñwi wabona alika, babeli kamba bababeli kamba babalalu ba bona ba lika, kuzwa mwa mukoloko. Na huwa nali “Ina hande mwa mukoloko!” Mi pono ya ni siya. Mi Ne ni yemi mwa muzuzu, inge nihuwa kuli, “Ina hande mwa mukoloko!” Mukoloko, cwalo . . .

²⁰⁴ Hani zibi, kikuli ifelile kale nji? Kikuli Munyaliwa sa ile kale nji? Kana zeo kona ze se lufitile kuzona kacenu na?

Una ni ku bupiwa ni kuezwa mwa siswaniso sa Kreste, mi Kreste ki yena Linzwi. Yani kona taba inosi fela. Mwabona? Liteni Mwani, mwa Linzwi. Ki fe- . . . Mwabona? Haku koni kuba sika silisiñwi se si ekezwa. Hakukoni kuba mu—mu musali ni lizoho li liliñwi inge la muuna, mi lizoho leliñwi ni manala inge lizoho la nja. Lina ni kuba handende ka Linzwi la Mulena, sina Yena hali Linzwi. Munyaliwa ki siemba sa Munyali. Musali ki siemba sa muuna hae, kakuli u zusizwe ku muuna hae. Eva nali siemba sa Adama kuzwa kwa makupo a hae. Mi kona ni Munyaliwa mwa inezi, ha si ka ngiwa kwa kopano, kono u ngilwe mwa sifuba sa Linzwi la Mulimu la lizazi le.

²⁰⁵ Ku Ngelwa!

Tolombita ya Mulena ika lila, baba shwile ku
Kreste ki ha ba ka zuha,
Mi ba ta ikabela kanya ya zuho ya Hae;
Foo baketwa ha ba ka kopanela kwa Hae
kwabuse bwa lihalimu.
Muta mabizo a bizwa kwani, halu likeni
kaufela kuyoba Kwani, balikani.

²⁰⁶ Mulimu ami fuyole. Ku bulezwi, li na ni kuezahala, li ka ezahala. Mi ka bunyinyani . . . [Hakuna manzwi fa tepu—Mu.]

Sicaba, hakuna ya bata kushwa. Hakuna ya bata ku—ku lateha. Tuhela ni ku bulelele. Kaufela so eza . . . Hanina taba kamba uya hakai kwa keleke, ni mo u bezi ya ishuwile kwa keleke yeo. Zeo ki zende; hakuna ze ni nyaza ka zona. Mu lukela kuya kwa keleke. Mu eze cwalo. Muzwelepili kuyanga kwa keleke. Kono, sika kaufela, u yumbe fela lizo za hao kwahule, mi ukene hande ku Kreste. Kakuli, li ka utwahala leliñwi la mazazi aa, mi u ka swaseha ka nombolo ya sibatana ku mina, mi hauna kuziba kufitela nako ifela. Yeo ki niti luli.

²⁰⁷ Mulimu ami fuyole. Mu ni swalele ka ku mi liyehisa. Mi muhupule. Ni ba bulukile nako yetelele hahulu fa nibona. Yeo ki niti. Mi nubu yo mu ni kolekezi . . . Yeo, mane ha Ni si ka mi kupa kuli mueze cwalo, muzwale. Zeo, mawi, leo luli ki likute. Munge seo ni kulifa ona motela mo—mo ka nako ye lufitelezi ye, kakuli Ni ibulukile. Ni bile fela ni lika zelikani nyana fa. Nina ni makepe mwendi a eiti kamba lishumi fa Kungelwa fni, kono Ne—Ne ni sina fela nako ya ku ifa. Mulimu ami fuyole.

²⁰⁸ Kana mwa lata Mulena Jesu? Halu yemeñi fela lu kuzize fa muzuzu cwale, ka kukuza, ka likute, mi muhupule se Ni bulezi. Muhupule, lu mwa lihola za mafelelezo.

Linaha ze za ikaba, Isilaele wa zuha,
Lisupo ze bulezwi kale ki Bibele;
Mazazi a Bamacaba a balilwe, ni misima
ikatilwe;
“Mukutele, haenu O mina muhasani, muye
haenu.”

Lizazi la kuliululwa li fakaufi,
Lipilu za batu za ikalelwa ka sabo;
Mu tale ka Moya, malambi a mina a tuke mi
amonyehe,
Mutalime kwa halimu! Kuliululwa kwa mina
ku sutelezi.

Mwa ziba cwalo?

Bapolofita ba buhata ba puma, Niti ya Mulimu
ba i latula,

Lu ziba kuli yeo kaufela ki niti. Nji cwani? [Hakuna manzwi
fa tepu—Mu.]

Na Mu lata, Na Mu lata
Kakuli U ni latile pili
Ni kuleka puluso yaka
Fa kota ya Kalvari.

²⁰⁹ Ki babakai baba Mu lata luli? Munanule mazoho a mina. Cwale, Ni bata kuli mina, halunze lu opela ye hape, mu swalane mwa mazoho ni yomuñwi yali bukaufi ni mina. Muli, “Mulimu aku fuyole, muzamai.” Lu bazamai. Nji cwani? Bazamai ni baenyi.

Na Mu lata,
Kona cwalo, ona fa tafule fela.

Na Mu lata
Kakuli U ni latile pili
Ni kuleka puluso yaka
Fa kota ya Kalvari.

²¹⁰ U bata ku yo fita mwa Kungelwa? Ki ba bakai baba tabelu
ku ya mwa Kungelwa? Muli, “Mulimu, Ni bata ku yo ngiwa, ka
pilu yaka kaufela.”

Swala Lizoho La Mulimu Le Li Sa Fetuhi, mwa ziba pina
yeo? Wa i ziba, kezeli? *Swala Lizoho la Mulimu Le Li Sa Fetuhi*.
Hani zibi kuli ki ñi . . . I zamaya cwani foo? Huh?

Swala lizoho la Mulimu le li sa fetuhi!
Swala lizoho la Mulimu le li sa fetuhi!
Toma sepo ya hao fa lika za Kuyakuile,
Swala lizoho la Mulimu le li sa fetuhi!

Mwa lata cwalo?

Mi musipili waluna ha u ta fela,
 Haiba ku Mulimu u bile ya sepahala,
 Bunde ni busweu bwa ndu ya hao mwa Kanya,
 Moyo wa hao o ngilwe uta yo i buha!

Swala lizoho la Mulimu le li sa fetuhi!
 Swala lizoho la Mulimu le li sa fetuhi!
 Toma sepo ya hao fa lika za Kuyakuile,
 Swala lizoho la Mulimu le li sa fetuhi!

Ni bata kuli muinamise litoho za mina fa nako nyana cwale.

U si ke wa ikumbuta sifumu sa lifasi le,
 Se si bola kapili,
 Ikataze ku bata sifumu sa Lihalimu,
 Sona ha si na ku fela!

Swala lizoho la Mulimu le li sa fetuhi!
 Swala lizoho la Mulimu le li sa fetuhi!
 Toma sepo ya hao fa lika za Kuyakuile,
 Swala lizoho la Mulimu le li sa fetuhi!

²¹¹ Ni litoho za mina ze inami, ni se mwa minahano ya mina, ka kuziba kuli lu inamiseza litoho za luna kwa liluli ko lu zusizwe, kona ko lu ka kutela zazi leliñwi, ka kuziba kuli una ni moyo mwahali mo o lukela ku yo ikalabelo ku Mulimu. Mi haiba uikutwa kuli ha u si ka itukiseza Kungelwa kwani, haiba Ku ezahala busihu cwana, mi ubata kuhupulwa mwa tapelo, nanula fela lizoho la hao. Haluna sibaka sa kubizeza sicaba kwapili. Aletare ya hao i mwa pilu ya hao, nihakuli cwalo. Nanula lizoho la hao. Mulimu aku fuyole, wena, wena. Mawi!

“Ni ikutwa kuli ha Ni si ka itukisa, Muzwale Branham. Na—Na, luli, Ni—Ni—Ni bata kuba Mukreste. Ni likile kuba cwalo, kono kamita kuna ni se si tondahala. Ni—Ni ziba kuli Ha—Ha ni yo fela fo Ni lukela kubela.”

“Ni utwele butuku, Mulimu. Ni nanula lizoho la ka. U ni utwele butuku.”

Cwale, mazoho amañwi a mashumi amabeli kamba amalalu a nanuhezi mwahalimu, kale kale, mwa sikuwata nyana se. Amañata a sa nanuha.

²¹² Mulimu Yomunde, Wa ziba sesili kwa mulaho wa lizoho lani, mwatasi a pilu mwani. Na lapela, Mulimu yomunde. Kuna ni fela nto iliñwi ye Ni na ni buikalabelo ka yona, yeo ki, ku bulela Niti. Mi, Mulimu yomunde, ba bata kupiliswa. Ba bata kueza cwalo, luli. Haba—haba lati sika se sili fela maikuto, nto ye ku ikupulela fela, mulao omuñwi fela wa kopano, lituto zeñwi za litumelo, lituto zeñwi za bulapeli ze ekelizwe. Ba utwisisa, Ndate, kuli si lwala Linzwi le li kenile, le li si ka zwakiwa la Mulimu. Liki zeñwi kaufela li ka fela, nihaiba lihalimu ni lifasi, kono Lona nya. Mi haiba luba Linzwi lani, lifasi li ka fita kuzwafafasi ku

luna, kono halukoni ku fela, kakuli luna ki luna Linzwi lani, yena Munyaliwa wa Munyali.

²¹³ Ni lapelela mañi ni mañi, kuli U ba fe zona, Ndate, kona tapelo yaka ye sepahala. Miaku ni swalele, Ndate, ka kuba ya ikalezwi hahulu busihu bo, ni tile kwantu ka kuliyeħha, ni—ni kuba ya sabile, ni kubulela manzwi a lobakeħile ni kulyangana. Ka mukwa omuñwi, Moya o Kenile omutuna, u a utwahalise hande ka mukwa wa Hao Tota wa Bumulimu, ni ku a tisa kwa lipilu za sicaba, kuzwa kwa pilu yaka, mi mulelo ni maikuto ao Nina ni mwa pilu yaka ku Wena. Nji Cwani, Mulena? Miaku pilise kaufela yalukela kupiliswa. Ipizeze ku Wena, Mulena. Mi lube baba itukiselize nako ya kungelwa yani ye li fakaufi. Kakuli Ni kupa ka Libizo la Jesu. Amen.

Mulimu a mi fuyole.

Cwale, muina sipula wa—wa mukopano.



KU NGELWA LOZ65-1204
(The Rapture)

Liñusa le ka Muzwale William Marrion Branham, neli kutilizwe lwa pili mwa Sikuwa la Pelekelo manzibwana, Ñulule 4, 1965, mwa mukopano wa ba Full Gospel Business Men's Fellowship International ili fa Ramada Inn mwa Yuma, Arizona, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2022 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org